


Mashipilitu Aku Mbembejeka

 Chimene, masepa. Kuwahilila hakupwa hano chimene chino, kaha kutachikiza na kumimona enu vosena, kufwelela nge Mwata ali naetu lelo, kuhana muvwimbimbi waundende, chize kacheshi kupwa chakuzuma hano mu mbalaka ha kutanga chachimene. Kaha jino etu. . .

² Ngwafwelela, kuliko vana...Vali navana kuvahanga mumashikola avo, Ndumbu walunga Neville? Ngwamwene vakweze vavandende, kaha Ngwalikomokelele kachi vakiko navahange mumashikola avo kunyima nakwingila muvihela vyavo—vyavo, kwingila mukapete ka shikola ya Chalumingo.

³ Jino, ngulombelele. Ngukwechi kusakula chachinene Ngwatelanga kupwa nacho ufuku unahichi, kaha Ngwatela kuchilinga lelo. Kaha echa liuka lilombe. Ngukwechi na—Ngukwechi na kuliwana chili nakwiza, chili vene ha Iron Curtain line mu Germany, kaha shikaho chili vene chakukwachiwa. Kaha ngulombelelenu. Kaha shikaho, echi chili, etu tunahase kuputuka muzevene chivaza chakuhemena cricket cha mu Germany, ize Hitler atungile kaha shimbu kanda jita, chihela chamwaza chachinene, mwakutwama vathu kuheta ku eyite sauzande. Kaha etu kachi natupwa nayo mumaufuku likumi, hazevene. Kaha shikaho etu tuli nakutalilila kuputuka muze vene, kaha jino kuya ku La Salle Lorraine, France, kushisaho, jino ku Berlin, kukinduluka. . . Ngunatwale mu, Berlin mukachi kaikiko na—na France.

⁴ jino etu kukinduluka, nge Mwata netava, kwingila mukukunguluka cha mu Chicago. Kuputuka, Ngwashinganyeka, faifi, sikisi, seveni, eyiti, na nayini, chihanda chmi mu Chicago, cha kuliwana ha—ha liuka lya Swedish. Kaha jino vakiko vali, Mukulwane. Boze, enu vamwe vakufuma mu chicago, vakiko vakwechi kuliwana chize chapwile nakwiza nakushisaho. . . kuputukila halikumbi lyatete mu Kukumi, mokomoko likumbi lyatete mu Katundwe, echi chili, mu Sweden. Kaha Ngunapu wakuwahilila kutachikiza nge kunguvotela yami, nge nguyenga, kaha chapwile chavoseena kaha handulendi peseti. Ngwapwile wakuwahilila na chize, oloze Ngukwechi chipwe kuya kuze mokomoko kupwa kuno. Enu lombenu mangana Mwata angutwaminyine kuchihela muka kuze kuli myono yayivulu navakalwila, kaha chuma chamwaza navakalinga ha Wangana wa Kalunga. Jino, vakiko hakupwa na kuliwana kuze, kaha—kaha vakiko mu Sweden, kaha ikiye ambile ngwenyi etu

natupwa na twende faifi, seti faifi sauzande ya vathu kuputuka, kuze vene kukuliwana, kaha vathu vavavulu vakuzeneka kulwila.

⁵ Kahajino kushikumuka hano mu Germany, chamwaza, vakiko vakwechi chivaza na vitwamo eyite sauzande. Mukiko vene, etu, mu Switzerland muze etu twasele kaha, etu twapwile nakuliwana chamwaza muze, kaha enu vavavulu kanda lyehi mwivwenga echi. Uze Mwata atukiswile chikuma, twapwile na fifite sauzande valumukile mumaufuku atanu, ha—ha—ha Zurich, Switzerland.

⁶ Kaha shikaho, Ndumbu walunga Jack Shuler, enu vavavulu mwamwijiwa, ikiye apwa ka Mesondisiti, kanyike walunga wa kashinakaji Bob Shuler. Vakiko vali mu Belfast jino, kaha—kaha vakiko kuhanjika vakiko vali nakwalumuna chihela kafula kamakonde, kuze, ha Mujimbu wamwaza, kaha kuhambakana na Billy Graham apwilenga mukuliwna chenyi. Jack napu mukweze umwe wamwaza, wakuzala na kufwila na zangi. Kaha ikiye—ikiye kupwa kaha wakushishika hali chize palanga Ngwafwelela ikiye kupwa ngamba wamunene muli Mwata. Kaha ngwalombelela Ndumbu walunga Shuler. Kaha—kahanapu Jack Shuler, kaha Jack MacArthur nawa ali naikiye. Ndumbu walunga Jack MacArthur apwa mukakunangula wamunene, nawa. Kaha kuze vapwile na vathu vamauka vahanajikile nge chapwile kuhizumuka chachinene chize chapwamo lyehi mu Ireland. Shikaho etu tuli ngocho... Yako kumalombo ahakumbi hakumbi hali vaze—vaze malunga. Vakiko vosena vakweze vamaalunga vavali, mwishi, pamo mumafwote, Ngwashinganyeka, mokomoko mwishi, visaka na vyangocho, na vavalongeshi vaukakngule va Mujimbu wamwaza, kaha etu twavazanga.

⁷ Kaha jino, Ngwa—Ngwalombo nge ove kaweshi kunguvulyamako, nge—nge Kalunga mwaya nakungulisa yami kusakula mwakwoloka hano vene jino. Kuli jiola muze ove kaweshi kuhona kutachikiza jila muka yakwalumuka. Kutala mwengilile muvihela vyavo? Ngwafwelela Paulu angilile muli chize chihela lwola lumwe, keshi mukiko? Echi chapwile mukachi kajijila jivali. Kaha omwo ikiye apwile nakuya, mwomwoika, ikiye amwene uze Kangelo muli chize chimweno chize amulwekele, “Twaya kuno ku Macedonia.” Shikaho Mwata hanga ali lika na Kangelo Kenyi, keshi Ikiyeko? Kachi Nguli kaha nakupwa wakulikehesa mumuchima wami hali Paulu omu apwilenga.

⁸ Kaha jino, ufuuku uno, anuka kuzata cha Mujimbu wamwaza hano ha mbalaka, kalamuthu kwiza nakulovoka. Enu muli mu Louisville, Nguli nakuya nakuhanjika ha Liuka Iya Open Door, ufuku uno, ha maola amavulu, ha seveni seti palanga na nayini seti, kuli Ndumbu walunga Caubles. Ngwapwile nakwiza kuno papa kavali. Kaha jino

ikiye apwile lunga wamwaza, kaha ikiye asanyikile. Kaha Ndumbu walunga Caubles, ikiye apwile mukweze wakalemesa, ndumbu walunga. Enu, Ngunatachikiza nge mwejlilila, ndumbu wamwaza, kaha kapwile kaha wakuhasa kumwalumuna ikiye nge chizeko. Lomba. Helu lya vyuma vyosena, lomba, kaha lomba nge Kalunga mwakaya nakutuhana chize—chize kusakula chakutambo.

⁹ Jino, shimbu etu tuputuke Mujimbu wamwaza wa Mujimbu, etu tukwechi chimene chino etu tuli nakukujika vana vavandende. Kaha Ngukwechi mukweze wamundende hano wakutela kukujika, nawa, kuli Mwata. Jino, lwola lwaluvulu mumauka amavulu. . .

Munakuhasa kwivwa kanawa, kunyima okwo? Kachi enu munahase, chili chakwoloka? Ava tufukufuku hano, Nguli kaha, enu kamweshi kuhasa kulivwako enu vavene. Nduma, chize, chize chosena chakwoloka. Ngunevwu woma Nanguya nakunangula chakuzeneka echi.

¹⁰ Shikaho vaze—vaze vana vavandende, lwolalumwe vakiko veji kuvasapwila, muliuka, omwo vakiko vapwile na vakemba vavandende. Kaha, mukikovene, chize cheji kufuma muliuka lya Katolika, ha kuvahaka ukulishitu vana vavandende, mokomoko “kuvajimika” nge vakiko vavavuluka omwo vakiko vapwa kaha vakweze vavandende. Eli liuka lya Mesondisiti vachinehele, cha kujimika cha vanyike vavandende, kaha vavavulu, kaha Ngwashinganyeka kakavulu chikuma. Ngwashinganyeka nge chihandwa mukachi ka Nazaleni na Mesondisiti yamwaka, chapwile kujimika cha vanyike, kaha jino kuhokoka chachindende na vyangocho. Oloze, kalajila, echi kacheshi ngochoko, Kangweshi nakuhanjika hali awa maukulu chikumako. Mwomwoika, hanyima ya vyosena, Ngwashinganyeka Kavali yafumishileko vyosena, hazevene, kuli vyosena, echi chakwoloka, mwomwo Yesu afwile kuze mangana kutulwila vanana kulwila kaye.

¹¹ Kaha vava vana vavandende, chipwethuhu muyachi uka wavisemi vapwile navo, omu apwile mukashili, chize kachanehele kala chihandwa, mwomwo Manyinga a Yesu Kulishitu eji kumukosa, talenu, kaha ou napu mwana Mukoko wa Kalunga chize chinafumisa shili ya kaye. Uze kemba keshi kuhasa kwalumuka nakupihilila. Katachikijiza mwakupilila nakwalumuka. Keshi na vishinganyeka vyakupwa hano, yayavene. Keshi kuhasa kukulweka ove mwomwoika ali hano. Oloze Kalunga atumine hano, kaha Manyinga a Yesu Kulishitu mwamukosa hali ize tando ize ejile muno mukaye. Kaha mwapwa palanga nakukolo muchivwuvwu chakuhasa kulitavila, jino mwakatachikijiza kwoloka nakuhenga, kaha jino yikwechi chuma muka chakulikonekela hachuma nejiva nge echi nalingi chakuhenga. Echi chakwoloka. Shikaho, vamwe

vavasapwilile, kaha kushinganyeka nge vakiko kaveshi kukaya Mwiluko.

¹² Kaha kuze kuli kunangula nge hanjika nge kemba nasemuka kuli vesemi vakuli na Shipilitu Wajila, chamwaza, uze kemba mwakaya Mwilu; oloze, kachi keshi ngochoko, kakweshi cheka ngochoko, uze kemba keshi chekako. Echi chinapu kuhengesa vene. Chihandwa muka nachineha nge ali na visemi va Shipilitu Wajila? Chinapu kaha chahakufuma mukufwila chausunda, kaha kemba nasemuka mujila yoyimwe. Shikaho, alivene “wakusemuka mushili, kutungiwa muupapwoke, kwiza mukaye nakuhanjika makuli.” Muze, muze mukiko mujila ya Visoneka.

¹³ Shikaho, kaha Manyinga a Yesu Kulishitu kukosa nakuneha kutomesa uze mwana. Kachi mwafwa, ikiye mukukupuka kuya vene Kumeso a Kalunga, kachi apwile wakusemuka kufuma kuvisemi va shili muno mukaye, palanga nahete nachivwuvwu chakulitavila haze mwatachikiza kwoloka na kuhenga. Kaha jino chuma mwalinga, kufuma haze, atela kumukonekela. Atela kuhula kulikonekela chenye kufuma jino haze. Oloze shimbu achili kemba. . .

¹⁴ Jino, mujila tweji kwesekanga mukweze, hano ha mbalaka. Echi chinapu chihela muno mu kaye Ngweji kuyanga, Ngweji kunangula Kunangula, chili hano ha mbalaka, mwomwo eli linapu liuka lyetu. Kaha etu kunangula Kunangula hano kulama vathu mumukana. Malunga vakwavo, mumauka avo, vakiko kunangula kala vyosena vakiko vafwelela. Kaha vakiko vanapu vandumbwami, kaha etu twahse kulimbalaka chindende, oloze etu hanga twapwa vandumbu vovamwe. Kaha, oloze hano mu mbalaka, etu kunangula chuma etu twashinganyeka kupwa Kunangula cha Visoneka. Kaha, muze, etu twatela kuvakunjika vana, chize tweji kuvulukanga kukunjika, lwola lumwe kaha mu Mbimbiliya etu tuhase kuwana, mokomoko kulihi mu Tesitamende Yayihya kuze vana vavandende muze vahashile kuvalinga, mokomoko Kulishitu apwile nachuma chakulinga mulli chize chilika, apwile, Ikiye avambachile mumavoko Eyi na Kuhaka mavoko hali vakiko nakuvakisula, kaha ambile ngwenyi, “Vetavilenu vana vavandende kwiza kuli Yami. Kanda muvakanyisako, mwomwo vangana vakiko vakwechi Wangana wa Kalunga.”

¹⁵ Jino, etu vanatuseze, nge omu etu tunevwushisa, kutwalilaho milimo ize Ikiye ejile na—na kukumisa. Kufwa chenye ha Kavali, Ikiye apwilenga na etu kaha Ikiye ayile nakufuma. . . kulovoka muli Kalunga, kwingila mukaye, ayile nakukinduluka kufuma muli Kalunga, mokomokokufuma mukaye nakwingila muli Kalunga, kaha kwiza cheka muchifwanyisa cha Shipilitu Wajila, kaha ali ana etu, muli etu, palnga nakusongo ya kaye, kutwalilaho mu Liuka Lyenyi milimo yoyimwe ize Ikiye alingile omwo Ikiye apwilenga hano hamavu. Kaha, hali chize, etu tweji kumbata vana venyi kuli umwe namukwavo, nakuli vakakuzata,

kaha vakiko kuvalombelela, kuhaka mavoko avo hali vakiko na kuvakunjika kuli Kalunga. Kupwa kaha na chilika chindende na kuhanjika nge etu twasakwilila chuma Mwata na lingi hali etu na hali vana vavandende.

¹⁶ Jino, kachi venu vavandende vanapunga vakusapwile, mokomoko kalamwosena omwo kuliuka lyenu, shinganyeka. Etu katwahanjika chumachimweko hali chize. Echi chili chosena chakwoloka. Oloze, Muvisoneka, etu tunawane chihela chimwe, muze mukiko Yesu avakiswile, Lyavene. Nge Nangukaya nakutanga, Mwata netava, muli—mu Lizu hano. Etu tunawane, nuli Mukakujila Luka...Ngwafwelela ha—ha kapetulu 10, kaha kuputuka na vasi ya 13.

Kaha vakiko vanehele vanyike vavandende veze kuli ikiye, mangana avakwate: kaha tumbaji twenyi vavatenukilile vaze vavanehele.

Oloze omwo Yesu amwene chize, ikiye kawahilileko, kaha ambile avambile ngwenyi, Vechenu vana vavandende veze kuli yami, kanda kuvakanyisako: mwomwo wangana wa Kalunga unapu wavo.

Chamwenemwene Nangumilweza ngwami, Wosena mwahona kutambula wangana wa Kalunga nge vana vavandende, ikiye keshi kukengilamoko.

Kaha ikiye avambachile nakuvahaka mumavoko eyi, kaha anangikile mavoko eyi hali vakiko, kaha avakiswile.

¹⁷ Chize chili chakuzanga? Ikiye ambile ngwenyi, “Jino, vechenu vana vavandende vezenga kuli Yami. Kanda kuvakanyisako, mwomwo vangachize, vangachize vana vavandende, vanatela Wangana wa Kalunga.” Kaha Ikiye ambachile vakiko mumavoko Enyi kaha avakiswile.

¹⁸ Jino, omu etu twazanga, chimene echi, kachi etu kupwa na Yesu kutwama, mu muthu, hano ha kamenga, kuhanjika, “Mwata, unahase Ove kukisula mwanami?” Mamalelo, chumamuka...ha meso etu na michima yetu kufwila kutala chize. Oloze Ikiye hano, kalamwosena, mwomwo Ikiye etu kutuma kulinga echi. Kaha, nge etu twalingi, ngocho Ikiye kutachikiza. Etu twatambula vamwe Ikiye atumine, kutambula Ikiye nge atumine ikiye, kumona. Shikaho, Ikiye hano chimene chino. Kaha kachi Ndumbu wapwevo Gertie mweza nakupwa ha kalyalya na kwimba mwaso wamwaka etu twapwilenga nakwimba kunyima chikuma, echi, “Kuvaneha nakwingila, kuneha vaze vavandende kuli Yesu.” Ngwafwelela echi chili mu mukanda muze kumwe. Kangweshi wakukunyukako. “Kuneha vamwe vavandende kuli Yesu.” Kaha kachi ove uli na kamba, wamundende wakamba uze vahonene kukunjika, kaha enu mwatondo kukunjika chimene chino, mwomwoika, etu natuya nakupwa wakuwahilila kulinga chize.

¹⁹ Kaha kuliko kala vakakuzata muliyino zuvo, vakakunangula nge ove unatondo kutambuka na kwimana na etu hano shimbu etu tulinakunjika ava vana kuli Mwata? Etu natuya nakupwa wakuwahilila hali enu, nge omu namwiza. Chosena chakwoloka, echi chili mumukanda? Enu mwachiwanyine, Ndumbu walunga Neville? Echi kacheshi muzeko. Chosena chakwoloka, vangahi vatachikiza echi, *Vanehenu Vakiko Vengile*? Chosena chakwoloka, echa twimbenga jino. Kalamuthu hamwe, shimbu vamama kuneha vakemba javo. Chosena chakwoloka. Chosena chakwoloka.

. . . vakiko kwingila, vanehenu vengile,
 Vanehenu vakiko kufuma mumande a shili;
 Vanehenu vakiko vengile, vanehenu vakiko
 vengile,
 Vanehenu vakukimbwojoka kuli Yesu.
 Vanehenu vakiko vengile, vanehenu vakiko
 vengile,
 Vanehenu vakiko vengile kufuma mumande a
 shili;
 Vanehenu vakiko vengile, vanehenu vakiko
 vengile,
 Vanehenu vavandende kuli Yesu.

Echa etu tunongamenu mitwe yetu chindende.

²⁰ Ove Tata wa Mwilu, kwimana nakujinguluka kamenga echi chimene kwimana manevo na vatata kukwata vanavavo vavandende mumavoko avo, chize Ove unavahane vakiko mwalikoji. Vakiko vanapu vakusakwilila vakiko, Mwata, kaha vakiko kuvaneha vakiko hano ha kamenga chimene chino, mu zuvo ya Kalunga, kukunjika vakiko, kuhana viyoyelo kuli Ove. Ove unahane. Kaha etu twalombo, Kalunga, nge Ove muya nakutuwahisa nakukisula umwe na umwe. Avatwaminyine, kaha echa kukingiwa cha Vangelo ja Kalunga kutala hali vakiko. Vahane vakiko kuyoya chakutwalilaho chakuwahilila na kuwaha. Echa vakiko vakatuke nakupwa malunga na mapwevo va Kalunga, hamene, kachi nge kuli hamene.

²¹ Kalunga, etu twalombo nge Ove muya nakukatula vakakunangula na tupolofweto na valongeshi kufuma muli eli lizavu lya vakemba vaze vanajinguluka kukamenga chimene chino. Kaha omwo etu natukapwa tushinakaji kaha katweshi kuhasa kutwalilaho, muthuumwe atela kutumbata kufuma muchihela na muchihela chikwavo, echa etu tupwenga vakwimana na kwivwa Mujimbu wamwaza vanangwile hali awa makumbi lelo. Tuhane echi, Mwata. Kaha likumbi limwe lyamwaza omwo nalikahita, kuyoya chetu nachikakuma, ava visemi kujinguluka kamenga, echa etutupwenga nge Yakova wakashinakaji omwo akiswile vana venyi na kuvalweka makumishilo avo amunawakapwa

likumbi lyakukuminyina. Jino kutala helu, ambile ngwenyi, “Munatachikiza, Navakanguhaka hamwe na vathu jami.” Kaha likumbi limwe, ikiye na vosena vanavenyi, kupwa kumwe hamwe mu Lifuchi lyambwende. Shikangaho Mbalamu ambile ngwenyi, “Echa makumishilo ami kapwe nge eyi.” Kalunga, Ngwalombo nge Ove muya nakutuhana eji jikisu hali visemi javo.

²² Kaha jino nge etu natuya nakuhaka mavoko hali vakiko, chumamuka—chumamuka chili chamwaza... Kaha omu mwakulikehesa Ove unachilingi, Mwata, nge etu malunga vahano hamavu navaya nakupwa na eli likoji lya kukiswila vana vavandende mu Lijina Lyove, kutachikiza echi, nge, chuma etu natuya nakulomba, etu vanatuhanecho. Nge etu natuya nakuvakisula, echa Yesu, uze Muthu wakuzeneka kumona, Umwe uzse apwa kwosena imana hakamwihi na kukisula mwana wosena nge etu natuhaka mavoko hali vakiko nakuvahana kuli Ikiye. Twalombo echi mu Lijina Lyenyi. Amena.

²³ Ndumbu walunga Glenn Funk, ikiye ali navana venyi vavandende vakukujika kuli Mwata. [Ha tepu hapimbi—Muka.]

...wa—wa mundende alihakamwihi, wakuze ku northland, Ove washikile ou mwana kuli yami. Tata, echa kukisula Chove chinokele hali ikiye.

Yosefwa, kanyike kami walunga, Ngulinakukuhana kuli Kalunga. Kaha echa chiyoyelo chove chipwenga kukisula. Echa ove ukapwe ukapolofweto, Yosefwa. Echa likoji lya Kalunga linokele hali ove. Echa Kalunga ka iso, Mwata Yesu Kulishitu, akukisilenga ove, kulingisa chiyoyelo chove kupwa kukisula kuliveka.

Mu Lijina lya Yesu Kulishitu, Ngwamukisula. Amena.

²⁴ [Ha tepu hapimbi—Muka.] ...zangenu vana vavandende? Chumachimwe hali avavakweze vavandende ou kala mama ali nakutonda vana kupwa vakukisula.

Jino, omu mukiko mujila Tata wa Mwilu ali kuli etu vakukula chimene chino. Ikiye natondo etu vosena kupwa vakukisula. Ikiye eji kwimika kuli etu chuma chimwe, kutuhanacho etu, nge kuhanjika, “Hano, Ngunatondo ove kupwa wakukisula, Mwanami.” Kumana Ikiye keshi wamwazako? Shikaho etu tunahase kusakwilila muyachi wa Tata wa Mwilu nge ngachize.

²⁵ Jino, mukukisula cha vakemba vavandende, munatachikiza, Ngwapwilenga nakutanga hano mu Chisoneka likumbi likwavo, kumwe hano, chapwile mu Tesitamende Yamwaka, chize, chumachachinene chize Ngwa—Ngwa punduvene kusakwilila kupwa nakutanga. Hano echi chili, hanovene. “Kaha Natane ambile kuli Ndavichi, ‘Linga vyosena vili mumuchima wove, mwomwo Kalunga ali na ove.’” Talenu? “Linga vyosena vili

mumuchima wove.” Kaha lwola lwaluvulu Nguna—Ngunawane echi, masepa Vakakulishitu, nge Ngunahanjika vyuma nakuhona kutachikiza chumamuka Nanguya nakuhanjika, kaha kuwana nge nachiya nakusoloka. Chumamuka ove muhanjika!

²⁶ Vachambile ngwavo lwola lumwe, Yesu ejile nakushikumuka kufuma hapili kaha Ikiye amwene mutondo uze kawapwile nachumachimweko, kupwa kaha ukawenyi, kaha kuze kakwapwile muhakoko, kaha Ikiye ambile ngwenyi, “Kakweshi muthu mwakalya kulioveko kufuma hano.”

²⁷ Kaha likumbi likwavo lyashishilemo, hakupalikako, kapositolo amwene mafwo anazuzu. Ikiye ambile ngwenyi, “Tala omu washiwashi mutondo unazuzu.”

²⁸ Yesu ambile ngwenyi, “Pwenu na lufwelelo muli Kalunga; mwomwo kalachuma enu namufwila, omwo enu namulomba, nakufwelela kaha enu namukaya nakupwa nacho. Kaha kalachuma enu namukahanjika, namukaya nakupwa navyo ovyo munahanjika.” Shinganyeka hali chize. Mamalelo! Kaha pamo lelo, ou wamunene Shipilitu Wajila wa Kalunga, kwimana hano ha kamenga, ove hanjika.. Chamwaza, kachatondeka kulengalengako. Kachatela kupwa chimwe chize chakulumunuka kanawako.

²⁹ Yakova afumishile likumbi limwe lilolwa kaha kusachilaho mutwe wenyi, kaha hanga valimona nalelo kupwa Lilolwa lya Lyakwanukilaho. Mokokoko, Lilolwa lya Kwanukilaho, uze chindume chalunga wahamavu kuhaka lize lilolwa, mwomwo va myangana vaswanyishile helu lya lize lilolwa, kupwa kaha lilolwa kaha lyamokokoko lyakupwa muze muwande.

Bethel yapwile kaha mulumba wa malolwa akulumbika hali limwe nalikwavo, kaha kwiza nakupwa zuvo ya Kalunga, kupwa muutwamo. Yakova ambile ngwenyi, “Eli keshi chumachekako kuhambakan zuvo ya Kalunga.” Shina mulumba kaha wamalolwa akwala helu lya limwe nalikwavo.

³⁰ Kachatondeka chuma chakulumbunuka chikuma. chinakutondeka shina kulikehesa na lufwelelo lwa kufwelela, chuma chinakutondeka. Chikiko kaha chilinakutondeka.

³¹ Jino, kutachikiza linwa lwola luli nakuhita, etu natuya nakweseka kukwachilila enu chikuma, kutachikiza nge echili chili chizuma kaha liuka linazale. Shikaho Nanguya kaha nakuhanjika kuli enu mutando yayindende chimene chino, hamutwe wachihande waundende...Ngwafwelela nachiya nakumikafwa enu. Kaha jino Nguli, shimbu kanda kuya kwimbo, Ngwasonekele vyuma vitatu mokomoko vyuma viwana. Ngwambile ngwami, “Nanguya nakuvandamina na kutala chuma muka Mwata mwaya nakuhanjika kuli yami omwo Nangukaya nakushikumuka kuze.” Ngwasonekele pamo vyuma vya sikisi hano, mitwe yayindende, kaha Ngwasonekele umwe, kuhaka mumboloso yami nge ngana. Ngwashingtonyeka,

“Chamwaza, omwo Nanguheta kukamenga apmo Ikiye mwaya nakungulweka chumachimwe chakuhanjikaho.” Jino Nguli kaha kwakusuku nge omu Ngwapwile kuze. Shikaho, kala, Nanguya nakutanga Chisoneka hano, Mwata tukafweko kwivwushisa Echi. Ha kapetulu 14 wa Mukakjila Luka, kaha echa tuputuke ha seti- . . . vasi 31 ya kapetulu 14 wa Mukakjila Luka.

Mokomoko mwangana muka, hakuya nakulyasa jita na mwangana mukwavo, mwazeneka kuvangila, kutwama pungu amone numba nge mwahasa namakombakaji likumi kulwa nayauze mweza kuli ikiye namakombakaji makumi avali?

Mokomoko, shimbu ikiye achili . . . uze lumwe mwatuma valuwa jenyi na kwihula mwakusumina kupoko.

Shikangaho nawa, wosena muli enu . . .

³² Ngwatondo enu mutalise kanawa. Jino, chatete Ikiye ambipe ngwenyi. . . Echi chinapu chishimo. Ikiye ambe ngwenyi, “Jino, kuli mwangana ali nakwiza, kaha ikiye akwechi maswalale twende sauzaunde; kaha *ou* mwangana ali nakuya nakuliwana na ikiye, kaha ikiye akwechi maswalale teni sauzande. Shikaho jino, chatete, ikiye eji kutwamanga hamavu na kuhula kachi kuli umwe nalizange, nge mwahasa kuchilinga nyiku.” Chosena chakwoloka.

. . . muli enu hiya mwahunga vyuma vyosena na, keshi kuhasa kupwa kambaji kami. (Talenu?)

³³ Jino echa Mwata ahake kukisula kuli eli Lizu Lyenyi. Jino echenu tunongame mitwe yetu chindende.

³⁴ Ove Setu wa Mwilu, Ove Yove watachikiza vyuma vyosena, kaha kawamona muthu, mwomwo chuma muka Ove wamuzakamina ikiye? Ove watangile muthu, kaha ikiye apwa kaha nge temo ya muwande: lelo napu wamwaza, hamene ikiye mwavataka, kumumbila mulitungu, kaha ikiye mwazuza. Kaha Ngwakulombo Ove, Kalunga, pwenu vakeke hali etu lelo kaha echa umwe na umwe alaulule lelo. Etu hano kupwa muzuvo ya kwolola. Etu tuli hano nakulinangula na kutachikiza omu mwakuyoyela, kaha echa echi chizenga nakufuma mu Lizu Lyove lelo, Ove Kalunga wa Hayamyaka. Vavavulu vana Yove vanakunguluka muno, kaha vavavulu vanapu vana Yove hamyaka, oloze, nge chize, etu vosena kukinduluka ku zuvo ya Kalunga, kulinangula, kutachikiza. Kaha Yami, ngamba Yove, kufwila kutachikiza Ove chikuma. Kaha Ngwalombo nge Ove muya nakuneha kuhwimina cha Mujimbu wamwaza hali etu vosena, hali ngamba Yove, kaha nge Kupwa Chove, kaha kutuhwimina etu kuhichila muli yino zuvo, mwaya nakupwa wamunene lelo, chize etu natuya nakuseza, mu muchima wetu, kufwila kupwa vangamba Jove vambwende, vaze navaya

nakupwa vakungalanya kuli etu hakupwa hano. Ove Kalunga wa keke, tuhane eji jikisu mu Lijina Iya Yesu, Mwa Nove. Amena.

³⁵ Jino echa Mwata ahake kukisula Chenyi mu Lizu shimbu tulinakutanga. Ngwatondo kumbata kutangisa chimene chino, nge, “Mashipilitu aku mbembejeka mokomoko Lizu Iya Kalunga?” Jino, kupwa kaha mutwe waungeji, oloze kupwa kaha chili mu mbalaka. . . Kaha ufuku wamu Chitatu chinahichi. . . Chimene cha Chalumingo chinahichi Ngwapwile nakuhanjika ha—ha Mujimbu wamwaza wa kusokoka.

³⁶ Kaha ufuku wamu chitatu chinahichi Ngwapwile nakunangula ha pwevo uze apwile na—na mubutau hamutwe wenyi, mokomoko ha. . . Ikiye ajimbalishile chihanda chimwe cha mbutau, kaha ikiye apwile nakukomba zuvo nakweseka kuyiwana shimbu kanda lunga Iyenyi ezenga. Kaha kwiwa nakuwana nge nge pwevo apwile wakulongesa, kaha ikiye. . . kaha emanyinyineko Liuka. Kaha nakazeya wawenga kavamuvwalilenga kumnweko. Vamuvwalilenga kuhita hamutwe, na tuvihanda twa shiliva twa nayinyi. Kaha omwo pwevo mweza nakupwa lihule, vakiko vafumishile kachihanda kamwe ka shiliva mangna kusolwesa nge apwile lihule. Kaha shikaho ou pwevo najimbalisa kamwe kavize vihandu, kapwile lihuleko. Oloze lunga Iyenyi afumineho, kaha ikiye apwile nakweseka kuzangula kuwana kaze kachihanda, kukahakamo cheka mumbutawu yenyi, mwomwo kachi lunga Iyenyi mwaya nakutachikiza nge ikiye vanamukwate muuhule, kaha nachilumbunuka nge kuhokoka cha limbo na vyangocho. Kaha Ngwahakanga chize hatando yayindende kuliuka, kujimbalisa vyuma vyavinene. Kaha luno lunapu lwola Iwa Tata lwakwiza, shikaho etu twatela kuvatonda vakiko. Jino, kutachikiza muliuka, kaha mbalaka yetu. . .

³⁷ Kaha Ngwa—Ngwatondo kuhanjika ha *Mashipilitu aku Mbembejeka*, ou naupwa vene mutwe wakupwa *Kulinangula* vandemoni. Enu mwevwa Iyehi chikuma hali vandemoni, hamakumbi awa, oloze mwevwa chindende mwakuvafumishila. Etu natuya nakupwa—nakupwa vakutachikiza nge kuli maliyovolo, oloze, chuma nachishisaho shina, mwakuvafumishila. Kaha jino kuze. . . Kupwa, ha liko Iya Kalunga, kupwa kaha nalisesa Iyakulinga na vyuma kana vavuluka kupwa vandemoni, kaha kuliwana navakiko kukamenga kaha mukutambuka hakumbi hakumbi, kaha, mwomwoika, Ngunazange kutala mu Chisoneka chimene chino nakuwana kaha chuma muka vize.

³⁸ Jino, etu tunhake echi mukutanga chakuka, lwolalwosena kusali yakuka. Kansa, ufwa, kawili hameso, tulo, vyuma vyosena evi keshi chuma chakumujimbako, vikiko vinapu vyaukalunga kaha vanapu vandemoni. Echi Chisoneka chili hatoma kwinjikiza chize. Oloze uze napu vandemoni mumujimba, na kukula, nge kansa, kupwa kuyoya muli chize, kaha kuyoya

chauze ndemoni. Kusoka cha kawili hameso, katanda cha tulo, kaha namisongo yikwavo, vanapu vandemoni. Chize chapwile muchifwanyisa cha mujimba.

³⁹ Jino, chimene chino etu kuya nakuhanjika—kuhanjika hali vandemoni mu chifwanyisa cha vandemoni mu mwono. Vakiko mu mwono mwomumwe vakiko vali mumujimba. kaha etu tuli vakukashiwa kwitavila nge tulinakumona vathu mumujimba, nge kansa na—na misongo yakuhandunuka ize ili mumujimba wa muthu.

⁴⁰ Kalinwaha, numba kansa vanayivuluka kupwa mulilu yamuchiwana lya misongo, chize chili mulitungu likwavo. Punduvene, chinapu kulinangula vandemoni. Kala musongo unapu wa mulilu lya muchiwana lya mumusongo, kuputuka chacho.

⁴¹ Jino, oloze jino mumujimba mokomoko kansa ya mu mwono, demoni nahase kwiza nakwingila mukala chihela. Jino, kuli jiola jajivulu na vathu vavavulu na vishinganyeka vyamwaza vize. . . kaha vathu vawaza vaze veji kwesekanga lwolalwaluvulu ku—ku nokela hali kutanga chimwe chachindende vakiko vatwama na, mokomoko chumachimwe chize vakiko vanavanangula kufuma muwinyike, kaha hanga vanawane nge kushikumuka muli vavene, kushikumuka mu mwono wavo, nge vakiko hanga vakiko vali nachumachimwe chize kacheshi chakwolokako. Enu, vavavulu hano chimene chino, kukakasana chauchiko kala kwosena enu namuwana Vakakulishitu vanalikungulula hamwe, enu namuwana vathu vaze vali naze mashipilitu muli vakiko, vaze vakiko. . . Echi chili chakuzeneka kuzeneka kuzanga. Vakiko kavavatonda vakiko. Vakiko ngwavo, “Mamalelo, kachi Nanguhasa kaha kulitwamina makuli! Kachi Ngunahase kaha kulitwamina lwiso! Kachi Ngunahase kaha kulitwamina *echi* mokomoko *chize!*” Jino, vaze vanapu maliyavolo. Kaha, jino, vakiko kwiza muchifwanyisa cha kulifukula, lwola lwaluvulu. (Hakupwa eyi yinapu shikola cha Chalumingo, lunapu lwola lwa kunangula, shikaho echeni tutale muli echi.) Jino, vakiko vejile muchifwanyisa cha kulifukula, lwola lwaluvulu.

⁴² Jino, mu Chisoneka, lwola lumwe, muze mwapwilenga lunga wa lijina lya Yehoshafwete, chindume cha lunga, lunga mukakulifukula. Kaha ikiye ayile kuli mwangana mukwavo uze apwile mwangana wava—wava Isalele. Kaha ikiye, Yehoshafwete, hakupwa mwangana wa va Yuta. Kaha ikiye ayile nakushikumuka kuli Ahave, uze mwangana wa va Isalele, kaha vakiko vakiko valivwasanyine kupwa hamwe, kaha vatungile chivwasano na umwe namukwavo, mangana vayenga vakanduke nakuzunga ku Lamote ya Ngiliyate. Kaha vakiko vachilingile chakuzeneka kulomba chatete.

⁴³ Mamalelo, kachi vathu vanahase kaha kutachikiza! Omu mukiko Ngwejilanga chimene chino na kumihula enu

mungwanukeko na yami shimbu Nanguya kusali ya tulungalwiji. Muvyuma vyosena, lomba!

Muthuumwe ejile likumbi likwavo kaha ambile ngwenyi, “Ndumbu walunga Branham, ove washinganyeka nge echi chakuhenga kulinga vyuma vimwe?”

⁴⁴ Ngwambile ngwami, “Mwomwoika ove uli nakuhwihula?” Talenu? Kachi kuli chihula muvishinganyeka vyove, viseze ukawavyo, kanda kuvilinga ko. Twama kaha na chize. Omwo enu namuputuka kulinga kalachuma, kaha kachi chinapu chihula nge echi chakwoloka mokomoko chakuhenga, fumako kuli chize. Kanda kuya muli vyosenako, jino munatachikiza nge enu munoloka.

⁴⁵ Jino, vyuma vyosena vyatela kuvikunjika mukulomba, chatete. “Tonda chatete Wangana wa Kalunga na kwoloka Chenyi, kaha vyuma vyosena navakakuhakilako.” Ngunakunyuka vene chimene echi, kachi malunga na mapwevo vanahase kaha kwingila muchihela muze myono yavo, kushinganyeka chavo, vilinga vyavo, navikaya nakupwa vyakukupuka kumeso a Kalunga, kuze nakuya nakupwa liuka lya ngolo chikuma nalikaya nakuyoya.

⁴⁶ Tala kaha mutando yayindende hamujimba. Jino, etu tuli, tuli, lwola lwaluvulu, kupwa namyaka, etu tukwechi echi vavuluka ngwavo “likina lyakutachikiza makuli.” Ove kaweshi kuhasa kulihaka mumbunda yove, kuhaka kuvatasana mutwe wove—wove, kaha ove kaweshi kuhasa kupwa muze nakweseka mwove mwosena kutunga makuli ewwakane kupwa muchano, kaha nalisoneka makuli lwola lwosena, mwomwo muthu kavamutengela nge ongenga. Kwonga chinapu chakuhungumwisa, chuma chachikalu, chuma chachipi. Chamwaza ngupwenga na chitakwa, kala likumbi, kuhambakana mukamakuli. Talenu? Mukamakuli! Kaha mujimba wove kavautengelele makuliko. Numba naupwa mukashili muka, ove hanga unapwila mwana Kalunga walunga wakuholoka. Muthu mukashili lelo mumbongi, Kalunga katondele ove kupwa mukashiliko. Ikiye atondele ove kupwa mwana walunga mokomoko wapwevo Wenyi. Enu vamtunga mukupwa Chenyi Ivene. Oloze shili yinamilingisa kulinga ngachize. Kaha numbathuhu naweseka ngachilihi kulondezeza na kweseka kutunga makuli kupwa kwoloka, vakiko vakwechi likina lya sayasi lyeji kwinjikizanga nge chize chinapu kuhenga. Ove unahase kwambulula na kusoloka nge kaweshi namulongako, oloze chochimwe nalisoneka kwonga; mwomwo kutwama chivezu mukachi muthu, kaha chize chivezu chatachikiza muchano. Kaha numbathuhu ovyo uli nakuhanjika, chize chivezu chinatachikiza nge anapu makuli, kaha nalisoneka kusali ya chivezu.

47 Shikangaho, kachi lunga mokomoko pwevo navahase kupwa navishinganyeka vyavo, kaha unjiho wavo na chiyoyelo chavo vyatela kulisungama na Kalunga (amena) palanga ize jila ya Shipilitu Wajila nayiya nakupwa wakukupuka na Kalunga, Nachiya nakusoloka ngachili! Kachi lunga na pwevo vanahase kupwa mumukana, kuze kuli kukasunuka kufuma mumichima yavo, na lufwelelo lwakufuma mukachi!

48 Vathu vavavulu kwiza kukamenga mangana vavalombelela, vakiko vatwama nakwitava chakutanga. Vakiko veji kulikonekela jishili na kulinunga na liuka, na lufwelelo lwa lifuchi. Vakiko fwelela mu vishinganyeka vyavo—vyavo. Vakiko vafwelela echi mwomwo vakiko vachivwile. Vakiko vafwelele mwomwo vakiko vachitachikijile kupwa lushimbi lwamwaza. Oloze muze keshi mukiko Kalunga kutala chize. Ikiye katalile ha lufwelelo lwenu lwakutangako.

49 Ikiye eji kutala mukachi ka muchima, kuze mukachi ka Kalunga . . . Kaha omwo nachifuma mukachi ka muchima, kukasumuka. Kulikonekela chenyi kulinunga hamwe na kuyoya chove. Chiyoyelo chove cheji kuhanjikanga helu kuhambakana kulitavila omu cheji kulinganga.

50 Oloze omwo kwitavila chove nachitavila kuhanjika chimwe, kaha chiyoyelo kuyoyela mukwavo, kuli chumachimwe chakuhenga kumwe. Echi chili mwomwo ove ukwechi lufwelelo lwakutanga, kaha keshi lufwelelo lwakufuma mukachi kamuchima oveko. Kaha echi chinasolola nge chili kuweluka, *hano*, chinapu chinyangi cha Kalunga; oloze mukachi, *hano*, napu demoni kukakasana. “Ngwafwelela mu kuka cha Ukalunga, oloze echi kacheshi chayamiko.” Talenu? “Ha, echi chinahase kupwa ngocho, oloze Kangwafwelela echiko.” Chivwishise? Kuweluka, ove muhanjika “eyo”; mukachi, chivezu chove kuhanjika “nduma.” Chize chuma chimwe cha sayasi nachiya nakwinjikiza nge chize kachapwile chakwolokako, chinjikize echi.

51 Talisenu ava va myangana, shimbu vakiko vaputuke, vakiko vatela kupwa . . . Shimbu Yehoshafwate atunge chivwasano na Ahave, ikiye atelele chatete kuhanjika, “Echa etu tulombenu kaha tumone muchima wa Mwata uka.”

52 Nguhane mukakunangula, nguhanenu Mukakulishitu, nguhanenu pwevo wakuzuvo uze napu Mukakulishitu, nguhane jimi, mokomoko mukazata mukambanyi ya kufwatula vyuma, uze mwahaka Kalunga chatete mu vyuma vyosena, Nanguya nakumilweka muthu mwaya nakupwa wakufukila chipwethuhu navahaka maliyavolo vosena hali ikiye. Ikiye mwatondo Kalunga, chatete. Etu twatela kupwa chatete . . .

53 Oloze vakiko kavahashile kulinga chizeko. Vakiko vosena vapwile vakufwika mwomwo lya Ahave apwile na wangana waunene, kaha ikiye alingile mwosena vyuma vyosena,

kaha apwile na vyakutunga kutunga, ulu na shiliva, kupwa wamunene, malunga vakufukula, olozenyi mukavakuzeneka kufwelela.

⁵⁴ Kaha omu mukiko kaye kali lelo. Omu mukiko America yemana lelo. Omu mukiko mauka emana lelo. Etu twatungu mauka amwaza apwile akutunga. Etu twapwile na vamwe vakakutanga vamwaza vaze kanda lyehi tupwenga navo. Etu twanangula kutanga chamuthu chamwaza, na vyangocho, kaha kulinangula kwimba nge Vangelo, olozenyi kuli kuzeya kumwe. Kuli kuzeya, mwomwo vakiko vakavangijilenga kunangula cha muthu na mashipilitu aku mbembejeka, kachi kwiza nakukinduluka cheka Lizu lya Kalunga. Vakiko kweseka kulinga vyuma nge kaye. Vakiko kweseka kuhaka manongo akumunyika hali chize, nge Hollywood.

⁵⁵ Hano likumbi likwavo, chikungulwilo chapuho, va Full Gospel realm mu Kansas City, mokomoko, ngukonekelenu, mu Denver, ha kukunguluka, kutunga liuka lya jindola miliyoni. Kaha masauzande a va mishonali kuvandamina fifite senti kufuma kuchikungulwilo chochimwe, kumbata Mujimbu wamwaza muli vakakuzeneka kutachikiza kalunga. Chuma etu tunatondo lelo shina vishinganyeka vya mishonali, wakutma kuli Kalunga, wakusemuka mukuhizumuka cha Shipilitu Wajila, chize chinapu kusungwila cha Kalunga, kushinjika nakuya mumisenge na kulinga chumachimwe hali Kalunga, kachi kupwa na kutunga chachinene, mauka amwaza na kweseka kusoloka kuli vakulihata navo.

⁵⁶ Chatela kulifukula muumishonali, muze naukahita nakulovoka, mokomoko mujizuvo jawala, kahakupwa wakukasunuka wa Shipilitu Wajila kaha na zangi ya Kalunga kuwema mukachi ka michima, kuhambakana kutwama muzuvo yayinene ize etu tukwechi muno mukaye na kulifwikila mukunangula na jishimbi javathu. Etu twatondo lelo kuhizumuka chakunyikisa, kukinduluka ku Muchano, kukinduluka ku Lizu lya Kalunga cheka.

⁵⁷ Jino, omwo vakiko vayile kuze, kaha chapwile hanyima shimbu Yehoshafwate kupwa kaha nakwiza mulilyavene na kuhanjika, “Keshi . . . Chamwaza, echa tuhule Mwata hali echi.”

⁵⁸ Ikiye ambile ngwenyi, “Chosena chakwoloka,” Ahave alingile, kaha ikiye atwamine kaha apwile na handulendi, fwo handulendi ya vakakunangula vamwaza. Kaha ikiye avanehele kuze kaha ambile ngwenyi, “Ava vosena tupolofweto.”

⁵⁹ Kaha shikaho vakiko vayile musenge, kaha vakiko vaputukile kusanyika. Kaha vakiko vambile ngwavo, “Eyo, enu yenu mukuunda. Ou Mwata apwenga na enu.”

⁶⁰ Kaha jino hanyima yavosena vaze fwo handulendi vahanyine unjiho wavo nge vatela kukanduka nakuya mukuunda, olozenyi Yehoshafwate hakutachikiza. . . Muli nakwivwushisa echi?

Talenu, mukachi kauze lunga wakwoloka mwapwile chuma chimwe chamulwezele nge mwapwile chakuhonesa chili mumusoji kumwe. Chumachimwe chapwile chakuhenga.

⁶¹ Ahave ambiel ngwenyi, “Jino etu tukwechi fwo handulendi hano, kaha na kujina chimwe, vase vosena vahanjikile ngwavo, ‘Yako, Mwata ali na yove.’”

Oloze Yehoshafwate ambile ngwenyi, “Kamweshi naumweko?”

⁶² Ikiye ambile ngwenyi, “Chamwaza, chuma muka etu twatela kulinga na ou umwe, hanyima etu tukwechi fwo handulendi ya ava mwaza malunga vakutanga vamuno mulifuchi? Vakiko vaosena kuhanjika ‘Yako!’” Uze apwile mukakutanga. Oloze mukachi kamuchima wa Yehoshafwate atachikijile nge muze mwapwile chumchimwe chakuhenga. Jino, ikiye ambile ngwenyi, “Etu tukwechi umwe weka nawa, ikiye Mikaya. Oloze Ngwamujinda.” Ambile ngwenyi, “Ikiye lwola lwosena kuhanjika chumachimwe chachipi, kaha mukakuhanjijeka numba haze hakuzeneka mulimo, kaha ikiye mukakuhunga mauka na vyuma vyosena.” Ambile ngwenyi, “Ngwamujinda.”

Ambile ngwenyi, “Yako, umbate, kaha echa tumone ikiye mwaya nakuhanjika ika.”

⁶³ Kaha omwo Mikaya ejile, ikiye ambile ngwenyi. . . Vakiko vambile ngwavo, “Jino, tala, ove uhanjika mwomumwe navakwenu.”

⁶⁴ Ikiye ambile ngwenyi, ikiye ambile ngwenyi, “Nanguya kaha. . .” Hano echi chili. “Nanguya kaha nakuhanjika chuma Kalunga ahanjikile.” Amena. “Numbathuhu kapolofweto kove mwahanjika, kaha chuma *echi* mwahanjika, kaha liuka lyove nalihanjika ika, kaha chuma muka vakiko navahanjika, Nanguya nakuhanjika mwahanjika Kalunga. Kalunga mwahaka hamivumbo yami kaha Nanguya nakuhanjika chuma Ikiye mwahanjika.” Chumamuka etu tunatondo lelo va Mikaya vavavulu vase navaya nakuhanjika chumamuka Kalunga mwahanjika. Talisenu, shikaho vakiko vamusanyikile kuze, kaha ikiye ambile ngwenyi, “Nguhanenu ufukuuno.” Shikaho uze vene ufuku Mwata aliwanyine nenyi, kaha ikiye ejile nakukinduluka chimene chishishileho. Omwo vamwangana vavali vatwamine kuchikolo, ikiye ambile ngwenyi, “Yenu kandukenu.” Ambile ngwenyi, “Yenu kandukenu. Oloze,” ambile ngwenyi, “Ngwamwene Isalele nge mikoko kulimwanga chakuzeneka kafunga.”

⁶⁵ Shikaho umwe uze mukakunangula, vakuvwala kanawa, kutambuka na kumuveta kuknwa kenyi, kaha ambile ngwenyi, “Jila yimwe Shipilitu ya Kalunga yayanga omwo Yafumanga hali yami?”

Ambile ngwenyi, “Ove muya nakuwana omwo mukakinduluka.” Eyo.

⁶⁶ Ikiye ambile ngwenyi, “Ivwulilenu hano!” Ikiye ambile ngwenyi, “Etu twapwa vangambaja Kalunga. Etu twapwa fwo handulendi, kaha ove uli ukawove.”

⁶⁷ Oloze Mikaya ambile ngwenyi, “Nanguya nakumilweka ukalu wenu oho watwama.” Amena! Ambile ngweyi, “Ngwamwene chimweno.” Amena! Ikiye ambile ngwenyi, “Kaha Ngwamwene Kalunga natwame ha litanda Lyenyi. Ngwamwene vakakuyoya va Mwilu vanemana nakumujingilika Ikiye. Kaha etu tunatachikiza nge eli Lizu lya Kalunga linavuluka vyangu hali ou lunga, kufuma mujila ikiye alingile.”

⁶⁸ Ove kaweshi kuhasa kukisula chize Kalunga nashingi, chipwe liyavolo kushinga chize Kalunga nakisula. Echi chinapu cha muthu ukawenyi hakapanji, chipwethuhu mwapwa wakuhutwa ngachilihi mokomoko mwapwa wachileya ngachilihi, mwapwa ngachilihi wakuzeneka kulinangula, mwapwa ngachilihi wakuzeneka kutanga. Chuma Kalunga nakisula chinapu chakukisula. Chuma Kalunga nashingi chinapu chakushinga. Tachikiza mwakuhandununa chumamuka chakwoloka na chumamuka chakuhenga.

⁶⁹ Mikaya atachikijile chamwaza kaha chamwaza chize chize chapwile cha Mwata uze apwile navaze vakakunangula. Chamwaza, ukalu wapwile halihi na vaze vakakunangula? Talisenu chuma vakiko valingile. Vakiko vapwile vakuwala kanawa. Vakiko vapwile vakulisa kanawa. Vakiko vejile hamwe mukuseketa chavo na vyangocho, na mukulinunga chavo, palanga nachihela vapwilenga vatachikijile kaha kutanga chauthu. Kaha Mbimbiliya yahanjika nge Mikaya, omwo ikiye apwile nakutala ha chimweno, ikiye ambile ngwenyi, “Kalunga mabile ngwenyi, ‘Hiya mwatuyilako mangana akamuhungumwisa Ahave?’ Kaha shipilitu wakwonga ambile ngwenyi, ‘Nangushikumuka nakumbembejeka Ahave kuhichila muli vaze vakakunangula, mwomwo Ahave mwalovoka nakuya kuze, mangana Lizu lya Kalunga likasoloke.’”

⁷⁰ Jino, lelo vathu vavavulu vali nakwivwulila... (Jino, shikola ya Chalumingo, Ngwayizanga.) Tala, vathu vavavulu vali nakwivwulila kuli mashipilitu aku mbembejeka kachi kuhanjika cha Lizu lya Kalunga. Mashipilitu, vakiko vapwa mukaye. Vakiko vapwa mandemoni. Kaha vakiko navaya nakwingila muvihela kaha vakiko navengila muli vathu, vakakuzata. Vakiko hikwingila mukachi kamamembala amuliuka. Vakiko hikwingila mukachi kavathu vamwaza. Kaha vakiko veji kuvalingisa kwingila, kulumbuka. Kaha vakiko veji kuhanjika vyuma, na kulinga vyuma, kaha kunangula vyuma, kaha kuzata vyuma, chize chinapu chakulimbalaka na Lizu lya Kalunga. Lelo, vakakuzata muvikungulwilo vyavo vili nakwitavila vathu javo kuhema makati mumauka, vavavulu mulivakiko. Jino, echi kacheshi hamwe vaka Katolika, kuli vavavulu Vakakulikanga veji kulinganga.

⁷¹ Chuma vakiko kweseka kulinga chumachimwe chashishisamo. Vakiko kweseka kwitavila punga jimwe. Vakiko kweseka kwitavila shikola, kumbata chihela cha Shipilitu Wajila. Enu kamweshi kahasa kulinga echiko, numbathu muthu alingachilihi wakitanga. Ngunashinganyeka echi hichuma chamwaza hali ikiye apwenga mukakutangako. Oloze kachi ikiye keshi na Shipilitu Wajila na chize, kutanga chenye kacheshi kuya nakumulinga mwamwazako. Kutanga kacheshi kuhasa kumbata chihela cha utwamina cha Shipilitu Wajila. Amena.

⁷² Talisenu, vakiko, kachi mukachi ka Evi, vakiko vaneseka kwitavila kulimeneka ha lwola lwamwaka muze etu twapwilenga nakupwa. Lelo liuka lineza nakupwa lyakutona. Vakiko kutambuka na kuhana livoko lyavo lyachilyo lya kulikata, kaha chize mujila vakiko kulinga. Oloze echi kacheshi kumbata chihela chavakulila vamwaka kuze kuli kusanyika na kupwa vakwoloka na Kalunga. Echi chakwoloka.

⁷³ Lelo vakiko valinakweseka kumbata chihela chamulikumi cha Kalunga. Vakiko kweseka kwitavila chumachimwe. Vakiko kweseka kuchilingisa kupwa chakuhandunuka. Vakiko kuya nakushikumuka na kuvisela vya mbango mumauka, kuhema tungulungulu. Kusekasana chakuhenga kacheshi kuhasa kumbata chihela cha chamulikumi cha Kalunga. Kulya chachingoloshi, kulanjisa mapayi, kuhema chakupenge, mangana kuwanyinamo mali akufweta mikuli, kayeshi kuhasa kumbata chihela cha chamulikumi na wana wakulisakwila cha Hayamyaka cha Kalunga ko. Kacheshi kuhasa kulinga ngachizeko. Oloze tuli nakweseka kulinga echi.

⁷⁴ Chuma muka echi? Anapu mashipilitu aku mbembejeka kwiza nakushikumuka, kweeka kushi... kushishisa muchuma chimwe ha Lizu lya Kalunga. Kalunga katwama nachuma chakushishisa mu Lizu Lyenyi. Linapu lya Hayamyaka na myaka. Kalunga keshi nachuma chakushisa lufweleloko. Lufwelelo kalweshi na chakushishisamoko. Lutalililo kalweshi kumbata chihela cha lufwelelo. Lufwelelo ukawalwo. Echi nachikemana ukawacho. Kalweshi kukambata... Lutalililo kalweshi kukambata chihela chacho. Lutalililo lunapu chuma chize twatalilila, chinjikizo cha vyuma twahona kumona, mokomoko lufwelelo, ngunambe. Talenu? Lutalililo chumachimwe; lufwelelo chuma chikwavo. Lutalililo malutalililo hali echi; lufwelelo lukwechi. Umwe napu lufwelelo lwakutanga; kaha mukwavo napu kusoloka cha Kalunga. Kakweshi kumbata chihela chacho. Etu kweseka, oloze etu kulinga vyosena vyakushishisamo.

⁷⁵ Etu tuli nakweseka kutunga mauka amanene keshi kutuma mamishonali. Mukwavo mukakushishisamo. Yesu kanda atongole kalamuthu atunge liuka. Echi kachitongwele ngocho mu Mbimbiliya. Etu tunahake kutangatanga, vakiko echa chize chimbate chihela chaumishonali. Etu... Yesu kanda

atulweke etu kutunga kutangatanga. Vakiko vapwa vosena vakwoloka. Kutanga, kweseka kumbata chihela. Echi nachiya nakulinga ngachize. Yesu atumine apwile kulinga “kuya mukaye kwosena nakunangula Mujimbu wamwaza kuli kala tengeso,” palanga nakulwola lwamakumishilo. Shikaho vyosena vyakushisashisa etu tulinavyo kavyeshi kuhsa kumbata chihela chamwenemwene.

⁷⁶ Lize likumbi likwavo Ngwapwile nakutachikiza, chakushisa. Ngwapwile na lushiya, kaha vafumushile lizo. Chimene chino Ngukwechi lizo lya kulyonga vajikamo. Kangweshi nakuhanjika kanawako. Eli kalyeshi kuhsa kumbata chihela chilize liveneko. Nduma, mwane! Mamaah, yami!

⁷⁷ Ove unahase kumbata muthu na kumvwika ikiye, kumutenga wakufuma kumutondo, makala akusonekesa, kalachuma ove unatondo, kaha kumujika kanawa. Ikiye keshi kupwa nakwivwa chamuchikovako, chivezu chauchi. Ikiye keshi kukahasa kumbata chihela cha kala muthuko. Chipwe kukunguluka chamokomoko chakutambuka na kutambakana nakuhanjika, “Ngunalinungu na liuka. Nanguya nakweseka kulinga mwamwaza kuhambakana.” Echi kacheshi kuhsa kumbata chihela cha fwatwilo yamwaka yamwenemweneko, kukunguluka chakutuma kuli Kalunga, Shipilitu Wajila chize chikiko chalingisa muthu kupwa wakuhandunuka mumuchima wenyi. Echi kacheshi kulingikako, mwomwo kamweshi Kuyoyako. Kamweshi chuma nachimuhana ikiye Kuyoyako.

⁷⁸ Hano keshi kunyima chikumako Ngwamwene mukakufunda wamwenemwene uze anehela echi, mukakufunda, Ngwatwale nge, uze atengele chifwanyisa cha Mose. Ngunahono kwanuka lijina linyeni. Ikiye mukakufunda wamuchi Ngiliki. Chafwetele kuyoya chenye. Kaha omwo ikiye ahetele haze ikiye ashinganyekele nge chinakupuka chikuma, ikiye ejile nkaupwa wakuhizumuka hali chize chifwanyisa cha Mose, shikaho ikiye achivetele mulimbuli yacho, kaha ambile ngwenyi, “Hanjika, Mose!” Chasolokele kupwa nge chivene! Chapwile chakufwanyisako chikupu palanga chasolokele chikuma nge Mose, kukushinganyeka chenye, chize ikiye achivetele namuveto kuchilingisa chivwe kukola.

⁷⁹ Kuhaka mu vishinganyeka vya liuka. Numbathuhu enu mushishisamo ika, chikungulwilo chachinene ngachilihi ove ukwechi, mweji kwimba kanawa ngachilihi myaso yenu, chikungulwilo chove chamwaza ngachilihi omu mweji kuvwalanga, ngachilihi enu mukwechi *echi*, *chize*, mokomoko *chikwavo*, enu munahase kuveta, kwivwa, mwosena omwo. Chize kacheshi kuhsa kumbata chihela cha Kuyoya, palanga Kulishitu mweji nakushikumuka muchifwanyisa cha Shipilitu Wajila, kwingila muliuka, na kuchihana kutachikiza chachihya hakupwa wakusemuka cheka. Chize kacheshi kuhsa kumbata

chihela cha Lizu Iya Kalunga. Lizu Iya Kalunga Iyemana ukawalyo.

⁸⁰ Mikaya apwile na Lizu. Ikiye atachikijile nge apwile na Lizu. Ikiye apwile na Lizu Iya kusoneka, ikiye apwile Nalyo ha chimweno nawa. Ikiye atachikijile chumamuka Kalunga ahanjikile mu Lizu Lyenyi. Ikiye atachikijile chuma muka Kalunga ahanjikile hali chize chimweno. Vakiko vosena vavali vejile nakwiza hamwe. Ikiye atachikijile nge wapwile Muchano, shikaho ikiye kapwile na womako.

⁸¹ Oloze uze shipilitu waku mbembejeka, atalile chumamuka chinalingi, lelo. Kupwa na mamembala vavavulu muliuka, kupwa namauka amamembala amwaza, chili kushikumwisa mukeleko ha kunangula cha Shipilitu Wajila wakuzata chamwaka. Chize chetavila malunga kupwa naviwano vyaviseke na umwe namukwavo, kuya nakuhema nguja nakuhema vihemelo. Chize kacheshi kuhasa kushishisa kapete kahelu, kuze vakiko vapwile nakulomba hali Shipilitu Wajila. Chize chetavila mapwevo kwiza hamwe na kwambulula vyakusehesa na vyuma, kaha nakupwa na vyakuzeneka mangana nachumakana. Chize kacheshi kacheshi kuhasa kumbata chihela cha kuliwana chakulomba. Mapwevo, mujila veji kuyanga na kuvwala lelo, chili—chili chasonyi.

⁸² Ngwevwile kuhanjika cha Ndumbu walunga Neville chize hanjikile, ambile ngwenyi, “Vakakuhutwa vathu va America,” ambile ngwenyi, “vakiko vatuma uvwalo wavo wosena kusali yatulungalwiji.” Echi chakwoloka. Vakiko vali nakutambuka nakujinguluka muuvwalo wakwishi. Vakiko . . . Echi chakwoloka. Vakiko chatela kupwa vahanyine va mishonali, mwomwo ma mishonali . . . Ava vathu na vazeneka kutachikiza kalunga mumafuchi eka vali nakuuvwala. Ava vathu kulinga chakuzenaka vakiko, kutala nge vakiko nge ngachize.

⁸³ Nanguya nakumilweka, kuze kulichuma chimwe vanachongonona, kaha chize kunangula cha Mujimbu wamwaza wa Mwata Yesu Kulishitu. Chinapu vandemoni vakiko vanamizulu uvwalo wenu. Kakkweshi wekako shina muthu umwe kaha mu Mbimbiliya vaze vazulu uvwalo wavo uze apwile shina lunga uze apwile wakuhetuwa na vandemoni. Kaha ikiye ali nakwiza mujila yahakachi lelo, nge mukuliwana, nge ikiye wamwaza, nge chili chakwoloka. “Hingonde yakututa, kaha nayikulingisa ove kwivwa kututa kachi ove muya nakufumisa uvwalo wove.” Lunga kutambuka helu na hamavu muchipango chenye, kaha chimbwa uselesele, kaha mapwevo chochimwe. Mwomwoika, enu muli nakumbata chize kakweshi kalemesa kuhambakana watuwa, haliumwe namukwavo. Ukalu uli halihi? Kangweshi nakweka kumikolesa enuko. Nguli kaha nakumilweka nge chinapu kuhetuwa kuva ndemoni, kaha enu

muli nakwivwulila ku mashipilitu aku mbembejeka, “chize chosena chakwoloka,” oloze napu makuli.

⁸⁴ Linona lya tiliku nalisema tiliku kaha. Kachi ove unapu Mukakulishitu, ove kaweshi kuhasa kulinga ngachizeko. Ove kawatela kulinga ngachizeko. Ove kaweshi kuhasa kulinga ngachizeko. Ove ukwechi lufwelelo lwakutanga kaha muhanjika, “Ndumbu walunga Branham, Ngwafwelela mu Mbimbiliya.” Chiyoyelo chove nachambulula nge kaweshiko. Amena. Mashipilitu aku mbambejeka kulipika na Lizu lya Kalunga.

⁸⁵ Ikiye atachikijile oho emanyinyine, Mikaya atachikijile. Ikiye apwile na Lizu lya Kalunga. Ikiye apwile lunga wakuzeneka puho. Kakweshi pimbi amuzangile ikiye mwomwo avalwekele Muchano, chipwe vakiko vazangile vaze vakakwanmbula.

⁸⁶ Jino, chuma chikwavo chinasoloka. Ngwafwelela kaha kushinganyeka kala muthu mwashinganyeka kupwa nakutachikiza na Kalunga, mokomko pwevo veji kupwa vakukashiwa kupwa chindende vakwivwa chatela kulingika. Ngwafwelela kaha echi. Echi chakwoloka. Oloze enu munatachikiza chumamuka? Vakiko vetavilile vyakwivwevwa keshi lujimika lwa Shipilitu Wajilako. Vakiko vapwile kaha vwema vyavivulu, kaha kakweshi nachumako muli chize. Enu yoyenu mukujila nge omu muli nakuyoya muvwema, jino ove muya nakupwa wakwoloka. Kwivwevwa pundu vene chakwoloka; “kuzangajala cha mujimba kachakafwako.” Oloze mashipilitu aku mbembejeka anengila mulizavu lya vathu vakakujila, kaha vakiko vanavakwate nakunokelamo “mwomwo vakiko vanahase kutambakana” mokomoko “mwomwo vakiko vanahase kukina, mwomwo vakiko vanahase kwivwevwa.”

⁸⁷ Uze mukweze wamwaka kuze, mwangana wa vaze tupolofweto, vakakwambulula, ikiye apwile wakukunyuka nge ikiye apwile wakwoloka, ngocho alifulilile jimbinga jivali kaha akinyine nakujinguluka, kaha chalingishile vathu vavavulu kuzungumuka. Ikiye apwile nakuya nakushinjika maswalale vaku Sulya kuvafumisa mulifuchi. Oloze chapwile makuli! Lizu lya Kalunga yahanjikile mweka. Amena. Talenu, enu munahase kupwa zangajala, kachi enu mukwechi kutambuka chambwende kunyima yenu, kuzangajala chambwende kukutambukisa kwivwa chove.

⁸⁸ Ndavichi akinyine kumeso a Mwata, kaha pwevo lyenyi amusehele. Kaha Kalunga atalile kufuma Mwilu, ambile ngwenyi, “Ndavichi, ove unapu lunga waha muchima Wami Lyavene.” Oloze kufwila chenyi chapwile chakwoloka. Kuyoya chenyi chapwile chakwoloka, kunyima yacho.

⁸⁹ Shikaho, kupwa kaha mwomwo etu tunahase kupwa kaha vakuzangajala, kachalumbunukile nge tunapu vakulwilako.

Mwomwo etu tweji kuyanga kuliuka, kachalumbunukile nge etu vanatulwiliko. Kanda kufwelela aze mashipilitu aku mbembejekako. Shipilitu ya Kalunga ya Mwenemwene, Lizu lya Kalunga lya mwenemwene, unapu Muchano wa Kalunga; ize yinapu Mbuto ya Kalunga, nayiya nakusema Kalunga mu chiyoyelo chove; mupwa muukalunga, mukakujila, wajila.

⁹⁰ Vathu vavavulu etu tunawane nge vapwa vakuzangajala, kaha na vyangocho, haze hakiko hejikwijilanga kutatwojoka na kuyongojola, kaha vyosena vyakuzeneka kupwa vyuma vya ukalunga. Ndumbu walunga, ize yinapu ulembe wa sulufulu muliuka. Japwa ngolo javandemoni. Shipilitu ya malunga na mapwevo ize yeji kwizanga nakwingila muliumwe namukwavo, kaha kweseka kushijika, kuhanjika, “*Echi* keshi chakwolokako, kaha *echi* keshi chakwolokako, kaha *chize* keshi chakwolokako.” Kachi ove muya nakuhanga nakushikumuka, kapapa ka nayini kufumisa mulikumi mwapwa muthu youmwe mwasungamo, chize keshi chakwolokako. Amena. Kalunga ajinda kulihandanuna mukachi kavandumbu. Pwenu vakwononoka, pwenu vakujila, zangi ya Kalunga, emana na Ikiye. Kaha kachi kaha ove unejiva chiyoyelo chove chili nakwendela hamwe na Mbimbiliya, na muchima utoma, vishinganyeka vitoma, zangi hali ndumbu walunga, kweseka mwove mwamwaza kutunga Wangana wa Kalunga, kaha kulinga vyumakana, kuvwala mwakwoloka, kuyoya mwakwoloka, kuhanjika mwakwoloka, kuya kuchihela chakwoloka, jino ove unahase kupwa nakuzangajala chosena ove unatondo kupwa nacho, kaha muthu wosena mwaya nakukufwelela.

⁹¹ Yesu ambile ngwenyi, “Enu yenu mungwa waka mavu. Kachi mungwa naunjimbalisa kuyema chacho, kaweshi cheka kupwa chuma chamwazako, navaumbila kaha navaulyatangila nakupwa mwishi ya mahinji avathu.” Kachi ove mupwa kaha mungwa kaha ukawawo, kaweshi kkupwa wamwazako. Oloze kachi naupwa nachize kuyema muukiko, enu pwenu mungwa kaha kaye nakevwa pwila. Ove pwako mungwa, vakiko navevwa lipwila. Mamaah, yami!

⁹² Mashipilitu aku mbembejeka kuyalika ngocho, vandemoni mwishi kulisweka. Tala, etu tuli mulikumbi lyakumakumishilo. Etu tuli kumakumishilo. Aka kaye kali kakulizanga kuheta nahasongo, nge lihute linahi kumwe naliya nakupushika mulikumbi limwe hamakumbi kaha fumo yacho kufuma. Kaneza nakupwa majilo. Kakweshi numba maji akuhasa kulihindula. Vakiko vakanyine aze—aze meya avene. Vakiko vakanyine kuka. Enu kambatenu lihute lili nakukatuka, kaha kachi enu namumbata penicillin mokomoko chumachimwe mangana lipushike, mokomoko chuma chimwavo, naliya lika nakutwalilaho kujimba palnga naliya nakupushika.

⁹³ Omu mukiko kaye kanalingi. Kaputukile, keshi kunyima chikumako, kushikumuka. Vakiko kufuma muchishinganyeka chachinene, mashipilitu akwonga kwiza nakwingila na kuputuka kulweka vathu *echi*, *chize*, mokomoko na *chize*. Etu tuneza nakuholokela na mu nayini handulendi ya vikungulwilo vyakuhandunuka, umwe namumwe na vishinganyeka vyakuhandunuka. Vakiko ngwavo, “Etu twafwelela *echi*, tando! Echi chikiko kaha etu twafwelela.” Vakiko kaveshi kuhasa kwecha Shipilitu Wajila kwiza nakwingila. Vakiko kaveshi kuhasa kupwa najila akwolokako. Kalunga akwechi lizavu lya vathu vanahase kutambakana, jino kalamuthu atela kutambakana. Vakiko vakwechi vamwe vatela kuhanjika malimi, jino kalamuthu atela kuhanjika na malimi. Vakiko vapwile navyosena evi, palnga chejile nakupwa (ika?) punduvene chakupihisa na mashipilitu aku mbembejeka, kumbembejeka vathu valinge vyakufwanyisa ohonyi kakweshi Kalunga muli chizeko. Jino vakiko vapwile na kuyoya kala muyachi wa chiyoyelo vakiko vafwilile kuyoya, kaha jino kuchivuluka kupwa “Vakukulishitu.”

⁹⁴ Kaha kaye katwama na kutala, kuhanjika, “Chamwaza, tala hali chize! Yami ngunapu wamwaza nge vakiko omu vapwa.”

⁹⁵ Nge muze Ngwambile ngwami ufuku ukwavo hali nguli, hali mukashili. Ove kaweshi kumuhana mulonga. . . Mukashili napu mukashili. Kanda weseki kumwalumunako. Kanda weseka kumulweka *ikiye echi*, *chize*, mokomoko *chikwavo*. Ikiye napu mukashili, kukuputuka. Ikiye napu ngulu, kukuputuka. Ikiye katachikiza chihandwako. Kachi ikiye mwaya kukuhema, kaha ikiye mwaya ku Chalumingo, kaha ikiye mwaya nakwasa nguja, kaha ikiye eji kulinganga vyuma vyosena evi, ikiye napu kaha mukahili, kukuputuka. Chisemwa chenye chinapu nge ngulu. Uze ngulu wamwaka wakuviza na muzulu wakunongama hachishita nakulya kala mamomo, kaha vyuma vyosena; chawmwaza, *chize*, keshi, ikiye napu ngulu. Ove kaweshi kuhasa kumupaisa Ikiyeko. Ikiye ngulu. Omu mukiko mujila yamukashili. Oloze omwo ove muya na kulivuluka ove lyavene hakipwa Mukukulishitu, kaha kujika lizulu muli ikiye, jino ove kaweshi kanawako kuhambakana ikiye, oloze, ove unanyimweka. Lovokamo muli vakiko. Echa tufume mukaye. Echa tuyenu. Echa Kalunga. Echa tuyenu.

⁹⁶ Nauya ngachilihi nakwecha evi viyenga? Vathu vavavulu vali nakulikomokela lelo, kuhanjika, “Chamwaza, Ndumbu walunga Branham, nauya nakwecha ngachilihi?” Ngunatachikiza ove wevwile kutanga chauthu chachivulu, “echa tuyenu.” Vathu vavavulu veji kuzata kaha kuyema, kweseka kwecha. Vathu vavavulu kiza nakujinguluka na kuhanjika, “Ngwapwilenga nakuya nakulitwamina kulya hamakumbi fwote mangana Ngulinge chumachimwe.” Ove kawatondele kulitwamina kulya makumbi fwoteko. Ove watondeka kwecha kaye kayenga

na vyosena vyuma vya liyavolo, kaha kumbata Lizu Iya Kalunga mumuchima wove. Ove watela kupwa wakunangula mwakulingila. Ove kanda kulinga ngachizeko ha kutumbuka helu nahamavu, chipwe ove kulinga echi kuliywamina kulya hamakumbi fwote. Ove chilinge ha kulihana muchima kuli Kalunga Wakulitulaho.

⁹⁷ Nge kema wamundende. Ngwatalile hali kema yami wamundende kunyima kuze, naye kweseka kumuhaka kahuma hli ikiye, chimene chino. Ikiye atondele kwingisa eli livoko lyamwaka lyalindende muchikovele. Ikiye kahashile kwingisa livoko lyenyiko; ikiye katachikijileko mwakulingila. Ove watela kumwingisa kalivoko kenya. Ikiye atondendele kukengisamo muze, oloze ikiye apwile nakuliveta nakujinguluka. Ikiye keshi kuhasa kwingilamoko. Ikiye natachiza nge kengilemoko.

⁹⁸ Kaha shikaho ove unatachikiza nge ove kaweshi wakwolokako na Kalunga, omwo uchililika nakuyongojola, kwambulula makuli, kulinga vyuma vyosena. Ove kaweshi kuhasa kupwa wakwoloka na Kalunga ko, Kangwalizakaminako mauka angahi ove wapandamako, palanga mwono wove naupwa wakwalumuna. Ndumbu walunga, chize chinapu chuma chamwaka, oloze chize nachiya nakupwa chakutuvika nakuhaka musoji mumono wove. Chakwoloka!

⁹⁹ Kweseka kwingisamo livoko, ikiye atela kupwa naumwe atela kumutetekelamo, mwakuhakila livoko muze. Jino omwo ikiye mwahaka livoko mukahuma kakandende, ikiye natachikiza nge chili chakwoloka.

¹⁰⁰ Eyi ikiko jila yili nakala muthu Mukakulishitu wakusemuka cheka. Nge ikiye mwengila muli Kalunga, ikiye mwatala kuyoya chenya na Lizu Iya Kalunga kaha mwatachikiza ali wakusungama na kala chuma chosena na Chize. Ikiye akwechi kuvandamina chikiko, kulilemesa, kuhola, kuvova, ngolo, lufwelelo, zangi, kuwahilila, kuunda. Ikiye kaveshi kuhasa kumutolekako nge kalungalwiji vanayanjisa. Ikiye keshi kuhasa kulizakaminako na kalamchuma chachindende. Ikiye keshi kuhasa kutumbuka *hano* na *haze*, nge chifwiko chaku mutumwa hakalungalwiji likumbi lyapeho. Ikiyenajikiza. Muchima wenyi utoma. Vishinganyeka vyenya vitoma. Kujina chenya chitoma. Jipunga jenyi ja kwoloka. Kaha ikiye natachikiza ali wakusungama na eli Lizu Iya Kalunga. Hetese yosena kayeshi kuhasa kushinjika ikiyeko. Ikiye napu wakusungama hamwe na eli Lizu Iya Kalunga. Ikiye apwile na zangi ya Ukalunga, utoma mumuchima, kala lunga chipwe pwevo. Ikiye akwechi. . . Ikiye nalihandnununa kufuma kuvyuma vya muno mukaye, kakiko kanapu kakufwa kuli ikiye; ikiye katondele vakiko chekako. Mwomwoika, ove unahonena kulingisa umwe kupwa kanyike wapwevo Shipilitu-Wajila kuvwala vwalo umwe wakusoloka kuhona kumukomoka kalunga nakuya muze. Nduma, mwane.

¹⁰¹ Jino, kakweshi cheka kutondeka kuyako na kumulweka nge napu wakuhenga, mwomwo ikiye keshi kukufwelela oveko, mwomwo mukiko atachikiza kaha. Chize chinapu kuwahilila chenye. Pwevo mwavwala vize vyuma kana; vakiko kulovoka nakuya, nachingoloshi, haze vene malunga naveza kwimbo; vakiko valinakwiza kaha mangana vakwape muchipango chenye, shikaho ahaze...Kaha ngulwekenu nge echi chakwoloka? Pwevo, Kangweshi nakuhanjika nge enu muli—muli vavapiko. Kangwashi nakwamba nge munapu vavapi. Oloze enu munahono kutachikiza, ndumbu wapwevo, nge shipilitu wakuzeneka kutoma akukwate ove. Chuma muka ove muya nakulinga? Ove ukwechi mangana akutamo akutachikiza nge kakwatuchile chikumako. Kunazumu. Kuli shipilitu wamajilo.

¹⁰² Ove ngwove, “Yami? Yami, Ngwayile kuliuka!” Nebuchadnezzar apwilenga muthu wamulemu. Oloze, mwomwo ikiye alizundwile, Kalunga amuhanyine shipilitu ya ngombe, kaha nakumwecha ikiye kulya mwiji ha myaka seveni, kaha vyala vyenyi kusuwa nge vamwe ava mapwevo nanajingilika hano. Echi chakwoloka. Kaha ikiye apwile wakuhetuwa na ndemon.

¹⁰³ Lunga wakuhetuwa na ndemoni kaha amuzulile uvwalo. Vakiko kavahashile kumuvwikako. Munamono omu Ngwatwale? Awa anapu mashipilitu aku mbembejeka.

¹⁰⁴ Liuka lyove lyetavila vyuma kana. Mukakunangula wove ali nawoma kuhanjika kalachuma, ali nawoma nge ove muhona kufweta chamulikumi chekako. Ou ukiko mulonga. Ou ukiko ukalu. Mamayami, kuwaha kana! Nauya ngachilihi nakunangula eli lizavu lya makololo, kuvangila ove muvangila chatete kuvalumuna nakupwa vakwoloka na Kalunga, kukuputuka? Vakiko navaya nakujika muzulu muvyuma vyakufwa lwola lwosena. Chuma ove unatondo shina kumbila kuweluka, kaha kuhizumuka chamwaka kuhita kufuma mukungenge, kaha kupwa na malunga na mapwevo kupwa vakwoloka na Kalunga. Kukusununa, vyuma vyamakaye! Kukusununa, chize kunangula chaundongeshi. Amena. Kunangula Mujimbu wamwaza. Kalunga ahanjikile ngocho. “Kachi ove muzanga kaye, mokomoko vyuma vymuno mukaye, kaha zangi yakumuzanga Kalunga keyeshi numba muli oveko.”

¹⁰⁵ Vathu vanahase kutumbuka helu na hamavu, kaha kutambakana ufuku wosena, kaha kuhanjika mumalimi nge kuhingunuka chamakunde mulikola lya ngombe; kutambuka nakuya, chimene chikwavo, na matoto akutamo kuzungisa poko yamazomazo, kuya nakulovoka na kwambulula chumachimwe muliuka chize nachiya nakulingisa liuka lyosena kupwa lyakuhokoka. Chize kacheshi chuma muno mukayeko oloze kumbembejeka, mashipilitu ava ndemoni! Watondo

kukinduluka ku Lizu, muze Kalunga apwa utoma, wajila. Amena. Echi chakwoloka. Mashipilitu aku mbembejeka kulipika na Lizu lya Kalunga!

¹⁰⁶ Hano hapwile lunga, keshi kunyima chikumako, apwile pwevo wamundende. . .Katolika mukuta wavo kuze. Mulwola lwenyi lwaukweze, ulinakulovoka na mamavoko eyi na haluholo lwenyi. Kachi mukakunagula wamwaza wakuzala na Shipilitu Wajila. . .Ngwashingtonyeka. Uze lunga apwile na mutumwa wavyuma vimwe, kufuma mumavoko eyi, kuya nakujinguluka kuwavisa vathu na yikiko. Hwi! Keke! Chinapu mukakole wakulishtu! Kangwalizakaminako kachi manyinga nawafuma muli ikiye kufumina mumazulu mokomoko kufumina mumutwe wenyi, mokomoko kulihi, ndumbu walunga, kakweshi manyinga nawahasa kumbata chihela cha Yesu Kulishitu Mwana Kalunga. Awa kaha akiko Manyinga Ngunatachikiza kaha. Ikiye nahase kupwa na maji akuhingunwina mulivoko limwe, na vinyo mulikwavo, oloze, kachi ove muwazachiza mujila yakupwa nge kulifukula, kaha chinapu liyavolo. Kumona omu vakakunangula navaya nakuhona vyamuyachi ngachize!

¹⁰⁷ Chumamua etu tunatondo, kwiza nakukinduluka ku Mukanda wa Kutwaminyina, kukinduluka ku Lizu lya Kalunga! Eli linapu Lizu lya Kalunga, Mbimbiliya ya mwaka yakukisula. Hanjika, “Chamwaza, Nguli nawoma wakwiza nakupwa ngachize, Ndumbu walunga Branham. Nguli nawoma wachize Nanguya nakujimbalisa kuwahilila chami.” Ukalu ulihali? Ove unahono kutachikiza kuwahilila chika.

¹⁰⁸ Ngunahanjika ngwami Kangwapaisa chitakwako hakuya nakunwa. Ikiye apwa lyehi chitakwa. Ikiye katachikijileko. Ikiye kuhinduka, na chimene, ikiye akwechi chimbambavela, nahinduka nawo. Kuya nakumumbachila mitumwa yivali mokomoko yitatu ya wala, kaha kulovoka nakuya nakumumbachila wala ukwavo, kala muyachi wawala.

Uze wamundende mukakunwa makaya natwame hanyima na kunwa, kaha fululu mumazulu eyi nge muyengo washitima. Mukiko kaha. Kangweshi kumupaisako; chikiko kaha kuwahilila ikiye atachikiza. Mukiko kaha ikiye atachikiza. Ikiye napu ngulu, kuchisemwa.

¹⁰⁹ Sonyi hali enu mweji kulivulukanga kupwa Vakakulishitu kaha kukundamina hali vyuma kana kupwa kuwahilila chenu, omwo Mujimbu wamwaza wa Shipilitu Wajila keshi chumako oloze zuvo yangolo yayinene ya kuwahilila. Ou Mujimbu wamwaza wa Shipilitu Wajila unapu wakukupuka wakutamo kupendesha wosena ali nalipwila lyawo. Ove muya nakumbata kunwa cha Mujimbu wamwaza wa Yesu Kulishitu, kupwa wakuzala na Shipilitu Wajila, ove mupenda palanga museza kano kaye, amena, kuwahilila chakuzeneka kuhanjika na kuzala cha upahu. Kuze kuli kuhizumwisa chakutwalilaho. Echi

chinapu kupendesha chakutwalilaho, kunwa namusana na ufuku! Amena. Eli likiko Lizu lya Kalunga.

¹¹⁰ Eli liuka kwiza nakujujuluka, kwitavila vyuma vikwavo. Vakiko vatela kupwa na chiwanyino kuze vakiko vosena navaya hausekeseke, nakupwa nachiseke. Kupwa na chiwanyino cha kuliwana hamwe cha makati, kupwa nakulikata. Echi chakwoloka. Kupwa nakukina, lwola lumwe, kujijizuvo jimwe jamamembala, lwola lumwe musenge yaliuka. Kukina, kwitavila, kweseka kupwa navimwe vyakusuulwisa. Ukalu ulihalihi? Vakiko vanapu lizavu lya vangulu, kalamwosena omwo. Vakiko vanapu vangulu, kukuputuka. Kachi vakiko navaza nakuliwana na Kulishitu, vakiko kachi navapwa nakuwahilila chikuma, vize vyuma kachinavipwa vyakufwa kuhambakana mukachi kaufuku, kuli vakiko. Mujimbu wamwaza, kunwa hali Shipilitu, kuwahilila chakuzeneka kuhanjika kaha chakuzala na upahu.

¹¹¹ Kanda kupaisa mukashiliko; muvwile keke. Echa ikiye atwalileho na kunwa kasanga kenya, echa ikiye anwenga wala wenyi, echa ikiye apwenga lika na chiwanyino chamakati. Echi chikiko kuwahilila. Kanda kumupaisako. Kwiza kwimbo na vyuma vyosena, nazeye kaha walukutu, ikiye natondo chiseke. Chuma chivene ove watela kulinga shina kuyoya chiyoyelo cha ukalunga chize ove unahase kwinjikiza nge Mujimbu wamwaza weji kukwatanga kapapa teni sauzande kuhamabakana chize, hali ikiye. [Hatepu hapimbi—Muka.] Kaha kachi ikiye mwafwa mujila kana, ikiye mwaya kuhetese, mwomwo ya wala. Chize chinapu kupendesha cha liyavolo. Kachi ikiye mwafwa, nakutwalilaho kukoka musanga, Kalunga kwali muka Kumusopesa. Kachi ikiye mwafwa, kuya lika kuze, kukita, na kulaha nakujujuluka na vwalo wausunda navwale, Kalunga kwali muku Kumusopesa.

¹¹² Oloze kuli chuma chimwe, kachi ove mufwa mwishi ya kuwavisa cha Ngolo ja Shipilitu Wajila, nge Setefwani omu alingile kutala mumeso a Kalunga, ambile ngwenyi, “Ngunamono Melu anasokoloka, kaha Yesu nemana kulivoko lya chilyo,” enu muli vakukashiwa ku Melu, nge kapyasa kuchimbokishi. Amena.

¹¹³ Mashipilitu aku mbembejeka kulipika na Lizu lya Kalunga! Kasununa, echa tuyenga. “Naukaya nakulinga ika, Ndumbu walunga Branham?” Echa tuyenu. Mukiko kaha ove watela kulinga. Mbata Lizu lya Kalunga. Kanda kweseka kuzata mwamokomoko. Kanda kushikumukako kukamenga na kuvetaho, nakutambakana, “Kalunga, nguhane Shipilitu Wajila! Mwata, nguhane Shipilitu Wajila!” Ikiye keshi nakwizako, ove uli nakuveta ha kamenga. Chize kacheshi kukukafwako. Nduma. Eyi keshi ikiko jila Yatela kwijilako. Echi chinapi, kuhanjika cha Ikiye mu Lizu Lyanayi!

114 Tala hali Petulu. Petulu apwile muukalu, kusoloka nge ikiye apwile wakuhenga omu apwile nakuya nakufwa. Kaha ikiye amwene Mwata ali nakwiza, kutambuka hameya. Kaha ikiye ambile ngwenyi, “Mwata, kachi unapu Yove, ngwitavile ngwizenga.”

Mwata ambile ngwenyi, “Twaya.”

115 Jino Petulu ambile ngwenyi, “Jino vandamina chindende, Mwata, echa nguyenga mumakumbi akulitwamina kulya fwote, ngumone kachi Nanguhasa kutambuka hali wa meya, mokomoko chiku. Ove Mwata, echa ngutambule Shipilitu wakutamo hali yami, nge Ngunahase kukina mu Shipilitu kaha kuhanjika mumalimi, muli uno wato, jino numba Nguhase kulovokamo”? Nduma, mwane! Ikiye ambachile Kalunga ha Lizu Lyenyi, echa ngukasunuke nakuya. Kalunga amumbachile nakumuhisamo.

116 Ngachilihi kachi Kalunga aliwanyine na Mose, kaha Ikiye ambile ngwenyi, “Mose, yako shikumuka ku Yijipitu, kaha kamulweke Fwalo, ‘Echa vathu Jami vayenga’”? Ngachilihi kachi Mose ambile ngwenyi, “Echa nguyenga makumbi fwote akulitwamina kulya, chatete, kaha kutale kachi Ngukwechi lufwelelo lwakutamo kwononoka Ove, Kalunga. Nguhane chumachimwe, chumachimwe chikwavo, Yehova. Echa ngukulweke Ove chumachimwe, echa ngumone kachi Ngukwechi mu Shipilitu, chatete”? Mose kahulile numba chihulako, ikiye ambachile Kalunga ha Lizu Lyenyi, kaha nakuya. Omu mukiko mujila enu mwatela kulinga, kumbata Kalunga ha Lizu Lyenyi. Jino enu munatachikiza namuya nakupwa nakuchilinga. Ikiye kavandaminyineko palanga chumachimwe nawa chinasoloka, ikiye ayile kaha nakutwalilaho nakulinga echi.

117 Ngachilihi Eliya, omwo ikiye ejile nakushikumuka kufuma Kupili ya Kalamela, hakupwa kuze myaka yayisuku? Kaha ikiye aliwanyine na tuliwe wapwevo wakuhutwa. Ikiye apwile nge . . . Ikiye apwile mukakuzumana, Mukamafuchi eka na eka. Kaha omwo ikiye aliwanyine nayikiye kuze, ikiye apwile nakumbata tujitete tumwe, muchipango. Kaha Kalunga amulwekele ikiye, “Yako shikumuka kuze kuzuvo yauze tuliwe.” Chihela kaha chakutwamako mukakunangula!

118 Ikiye uze mwaya kushikumuka kuze kuzuvo ya tuliwe. Kaha omwo ikiye alingile ngachize, ikiye apwile na jittete jivali. Ambile ngwenyi, “Chuma muka ove uli nakulinga?”

119 Ambile ngwenyi, “Kumbata jitete jivali. Ngukwechi unga wakutamo kutunga vindanda vivali vya manona. Mukiko kaha Ngunasale nayo. Kunahichi myaka yitatu etu tunazeneka kupwa na vula.” Kaha ambile ngwenyi, “Jino Nguli nakuya nakutunga vindanda vivali vya manona. Kaha yami na mwanami walunga natuya nakulya, kaha kufwa.”

¹²⁰ Ikiye ambile ngwenyi, “Ngutungile yami yimwe, chatete!” Haleluya! Mamalelo, Ngunatachikiza Ngunapu nge wakuzaluka chindende, oloze Nguli sali ya Yehova, mwosena omwo. Ambile ngwenyi, “Ngutule yami yimwe, chatete. Mwomwo, MUKIKO MWANAMBE MWATA.” Enu haze.

¹²¹ Chuma muka echi? “Tondenu chatete Wangana wa Kalunga, na kwoloka Chenyi.” Keshi Wangana wa Kalunga na “vyema vyavindende,” keshi Wangana wa Kalunga na “kuzangajala cha mujimba chindende,” keshi Wangana wa Kalunga na “chindende *echi* mkomoko *chize*.” Oloze, “Kalunga, na kwoloka Chenyi, kaha vyuma vyosena navakamihakilako.” Haka chatete!

¹²² Jino, uze tuliwe ewwile chize. “Lufwelelo lweji kwizanga ha kwivwa, kwivwa eli Lizu.” Ikiye ambile ngwenyi, “Lize likiko Lizu lya Mwata, mwomwo uze ikiye muthu wakujila wa Kalunga. Uze ikiye kapolofweto ka Kalunga, kaha Ngunatachikiza echi kupwa Muchano. Kaha lize linapu Lizu lya Kalunga.”

¹²³ Jino, ikiye kalahile nakujinguluka nakuhula valihata nenyi mwakulingila. Ikiye katondele kuya nakulwekako veka . . . kaha kulweka valihata nenyi, kuhanjika, “Jino, enu mwashinganyeka ika? Uze mukakunangula ali kuzuvo yami, nahanjika *chize*. Susie, ove unashinganyeka ngachilihi hali *chize*?”

¹²⁴ Ikiye ayile nakwingila, kuputuka kuzovesa uze unga. Ikiye evyechele viyenga. Ikiye echele vize apwile navyo, mangana atwambwileko vikwazo. Chize chikiko kaye kanatondo lelo, shina chize chamwaza chamwaka kucheche chiyenga echi uli nacho. Haleluya! Ikiye aholwele, shikaho mangana apwenga wakuzala. Ikiye aholwelele maji apwilenga nawo, kaha maji osena apwilenga nawo na unga apwilenga nawo, kuli ze mukakunangula, ku Wangana wa Kalunga. Kaha omwo ikiye aholwele vyosena vize, Kalunga asulukile nakwiza, kuzalisa mbango yaunga, kuzalisa mulondo wamaji. Ikiye achiholwele cheka ha lilonga lya mukakunangula. Kaha Chize chejile, kuzalisa cheka. Ikiye aholwelelemo. Lwola lwosena ikiye aholwelele, Ikiye azalishile.

¹²⁵ Nanguya nakuhanjika, lelo, kachi muthu mwaholola vyosena evi vyakuzeneka mangana, kaha kulifwanyisa Ukulishitu, kaha echi Shipilitu Wajila Ambate chihela, kuze nakuya nakuputuka kuhizumuka mu Eighth and Penn Street ize nayiya nakukomba mulifuchi lyosena. Echa mangana auleya. Kinduluka ku Lizu lya Kalunga. Holola, mangana upwenga wakuzala. Ove vyeche viyenga, kaha Kalunga mwecha vizenga. Ove holola, Kalunga mwaya nakuzalilsamo. Vyosena vize vyuma vyaunyike, viyenga, “Ove watela kulinga *echi*, kaha ove watela kulinga *chize*; kaha ove watela kulinge *echi* kaha watela kulinge *chize*.” Vulyama echi! Holola echi chifume mumono wove!

¹²⁶ Hanjika, “Kalunga, echa yami, kufuma muli echi . . . likumbi eli, pwako Wakulihana chikupu. Mwata, Nangwiza na muchima wakuwokoka. Nguneza na shipilitu ya kuchikika. Ngwakuzanga Ove. Ove unatachikiza nge Ngwakuzanga Ove. Kaha Ngwatondo kuvulyama uleya wosena ou wakulitwaminakulya mumakumbi fwote kaha ngumone kachi Nanguhasa kupwa hakamwihi na Kalunga, kaha vyosena *echi*, *chize*, na *chikwavo*, vyosena evi vinapu vyakuzeneka mangana.”

¹²⁷ Imika echi! Kakweshi chuma chamokomoko mu Lizu nalikulweka nge ove watela kupwa nakulitwamina kulya myaka fwote. Kakweshi chuma kanako. Kakweshi chumachimwe muno mukayenachikulweka ove kulitwamina kulya, kuvangila Kalunga mwakulweka. Kachi ove mulitwamina kulya, ove kaweshi kwivwa zalako, kaha muya muvyosena. Shimbu uli nakulitwamina kulya, ndumbu walunga, ove muya nakupwa nakuwahilila kaha kuwahilila lwola lwoosena. Ambile ngwenyi, “Kanda kasoloka kuli vathu nge muze veji kulinganga mukakulyonga, na kusuwa, kuhomba kumeso. ‘Nguli na kulitwamina kulya cha makumbi fwote. Malonga ami kaweshi kunguta yamiko. Ngunajimbalisa seti paundi, kaha vakiko vangulwekele Ngunasoloka kanawa hali chize.” Mamalelo, chakuzeneka mangana! Anapu mashipilitu aku mbembejeka a liyavolo.

¹²⁸ Kanduka kukamenga, kaha hanjika “upahu, upahu, upahu” palanga nomu nauhona kuhanjika chuma cheka nawa, kaha kuhanjika, “Ove watela kuhanjika mumalimi shimbu kanda ove utambule Shipilitu Wajila.” Chakuzeneka mangana! Chiholole!

¹²⁹ Fumisa chize muzachiso yove kaha twaya ku Lizu lya Kalunga! Ikiye ngwenyi, “Alumukenu, enu vosena, kaha vamijimike mu Lijina lya Yesu Kulishitu chakuneha kujimbangana jishili jenu, kaha ove mukatambula wana wa Shipilitu Wajila.” Kalunga nge mwazeneka kulama Lizu Lyenyiko, Ikiye kaha keshi Kalunga ko. Amena. Holola. Pwako wakuzala. Amena. Hee! Ngwazanga chize. Lize likiko Lizu Lyenyi. Kalunga ikiye ahanjikile ngocho. Echi chakwoloka. Kaha omwo Kalunga ahanjikile chize, Kalunga mwaya nakuchizakamina. Chosena chakwoloka. Kuliwahisa chosena ove unahase kulinga, kuya chosena cha kuya kuliuka ove unahase kulinga . . .

¹³⁰ Echi kaha nge kuno kuze kwakuwahishila jimotaka kuze vanatungu zuvo yayinene kwakunyinyina, mokomoko, kuli lizavu lyalinene lya vakanyina jimotoka. Ngwazachilenga lwola lumwe kuze. Kaha vakiko veji kutunga jize jimbasi jainene na vyuma vyosena, kaha kuhaka mitondo yakukola, kaha mukachi mapulanga akukwita ulombo uchila jingulwishi ndo, kaha vyuma vyosena kusoloka kuwaha, chihake kusali ya jila, kaha chapwa chakufwa nge jimbambo jakuchikolo. Haka

yinjine kanawa, chakuzeneka meya mukachi. Ikiye mwatwama muze kaha.

¹³¹ Chuma chinatondeka lelo shina kakahya kamwe mulutengo. Chuma chinatondeka lelo shina fwishi umwe. Chuma chinatondeka lelo, liuka, kukinduka; kukinduka chivene chimwe muze chatela kukindwisa shili kufumisa muchiyoyelo chove, chinapu zangi. Kaha kachi ove kaweshi kuzanga umwe namukwavoko, naukaya ngachilihi na kuzanga Kalunga Uze kanda lyehi umone? Zangi yeji kusweka kuvula cha shili. Pwako muzangi na Kalunga, jino ove muya nakuzanga umwe namukwavo, jino ove muya nakuzanga liuka, ove muya nakuzanga uze Mulonga, ove muya nakuzanga vyuma vyosena vize vili vyaukalunga, kaha ove muya nakulilama kufuma ku vyuma vya mukaye.

¹³² Mashipilitu aku mbembejeka kuya nakujinguluka kulweka vathu *echi, chize*, mokomoko na *chikwavo*, “Vakiko valingile *echi*. Vakiko valingile *chize*.” Echi chinaze nakupwa vikungulwilo vinakatuka, kaha vakiko vapwile na kusoloka chachindende chize vakiko vahanjikile, “Chamwaza, jino, Ngwafwelela uze lunga. . . Ngwafwelela muli chuma kana nge kutambakana mu Mbimbiliya.” Chize chakwoloka. Ou ukiko muchano. Vakiko vatungile chikungulwilo kufuma muli chize, “Omwo ove mutambakana, kaha ove Uyikwechi.” Oloze ove kaweshi nayako.

¹³³ Mukwavo akatukile, ambile ngwenyi, “Kuhanjika mumalimi.” Echi chakwoloka. Echi chili mu Mbimbiliya. “Chamwaza, omwo ove muhanjika mumalimi, kaha ove Uyikwechi.” Oloze vavavulu veji kuhanjikanga mumalimi kaha kaveshi Nayako. Talenu? Omu keshi Mukikoko. Nduma, mwane.

Vavavulu muli vakiko vahanjikile ngwavo, “Chamwaza, etu tukwechi upolofweto.”

¹³⁴ Tala hali ava tupolofweto hano na jimbinga hamitwe yavo, kutumbuka helu na hamavu na kupolofweto. Mikaya ambile ngwenyi, “Enu muli, vosena na, kulyonga.” Amena. Chakwoloka. Kalunga keza ngachizeko. Kalunga eji kwiza ku muchima wamuchano uze nawiza na kuchikika, shipilitu yakuhojoka. “Wosena mwaya na, kutumba mumasoji, chakuzeneka kukakasana mwakakinduluka mukuwahilila, kwiza na visweko vyamwaza.” Amena. Mbata echi mwakwoloka, sepa.

¹³⁵ Shikaho kuvula chakulinangula vademoni, vandemoni kuzata mu myono yamuuthu! Tala muze namwima mihako. Tala muyachi muka wachiyoyelo cha muthu wakuyoya. Talenu jila vakiko vali nakuzata, tala jila vakiko omu navalinga, talenu kujina chavo chika. Echi chinapu chachikalu. . . Kaha kachi Ngwamilwekele chize, “Jila yimwe kaha. . . Hano kutwama mujimotoka, vyosena vipwenga kupwa hamwe. Melu ali mu Charlestown. Ove kaweshi kuhasa kutambukako. Jila kaha enu

mwatela kuya, Shina na motoka. Kaha kala muthu uze kuzauka museteko kuneha mu vinjaji vya maji.” Hano mutoka eyi, oloze kachi ikiye keshi namajiko ikiyekeshi kulahako. Chamwaza, chize chikiko kaha, kukupuka vene mujila ili Mwilu. Kachi ove mufwa chakuzeneka Kalunga, Kangwalizakaminako omu ove wayoya kaha jimotoka jingahi ove watungu, kachi zangi ya Kalunga keshi muze mukukokako ove muze Muwangana wa Kalunga, ove unajimbala.

¹³⁶ Kwatwama nekative na poshitive. numbathuhu kakahya ka poshitive kakavula ngachilihi hano, nge kakweshi tambo mumavuko, kaha kayeshi kukwatako. Echi chakwoloka. Ove watela kupwa wakujikila, kujikila muzangi ya Kalunga. Mamalelo, ndumbu walunga! Neha yize nekative na poshitive hamwe, ove muya nakupwa na Kumunyika, ukiko Mujimbu wa Kumunyika wamwaka. Echa Echi chitanduuke kufuma kungenge swi na kungenge. Ove kaweshi kukahasa kupwa Naichiko chakuzeneka echiko. Numbathu kangahi namulimeka nakutumbuka ove watela kulinga na poshitive, ove watela kupwa na tambo yamumavu kuneha Kumunyika. Amena.

¹³⁷ Ove kaweshi kuhasa kutachikiza? Ove watela kuhaka tambo mumavu, kaha josena kwingila muze muchisete, kwingila mumavu. Kaha lwola lwosena muthu mwapwa wakujikiwa na kujikiza mu Lizu Iya Kalunga, yajikilila mumavu muli ikiye mu Kavali, muze, muze muli chikungo chakukola, kwakukashila cha Kalunga kuvineha kuno, kuneha Kumunyika cha Mujimbu wamwaza. Amena.

¹³⁸ Enu munatachikiza ukalu ulihalihi? Vathu muli mujizuvo jajinene jasalusalu, kweseka kunangula Mujimbu wamwaza. Mukakunangula wamundende kwiza kuli yami zau, kupanda kuli chimwe hali vikungulwilo chachinene muze mulifuchi lelo, kuweluka wa Katolika. Ikiye ambile ngwenyi, “Ndumbu walunga Branham, Nguli nakuviza kaha kuzeya.” Ambile ngwenyi, “Vakiko kuya nakulingisa etu vosena kupwa vakakunangula kuhaka jingoji na kwalumuna jikola, kaha—kaha kunangula vyuma vimwe. Kaha vakiko navaya nakumilweka vya kunangulaho, ha chipwa cha mwaka.” Ikiye ambile ngwenyi, “Kangweshi kuhasa kwimana nakushimbulako.” Ikiye ambile ngwenyi, “Chuma muka Ngwatela kulinga? Chuma muka Ngwatela kuputuka kunangula Mujimbu wamwaza?”

¹³⁹ Ngwambile ngwami, “Ndumbu walunga, shimbu ove uli na chikungulwilo, chilemese. Ove hanjika kaha chuma muka vatela kulinga. Oloze tambuka yako kuli mukulwane waliuka, kaha hanjika, Mwane, Ngunasemuka cheka kuli Shipilitu wa Kalunga. Eli likiko Lizu Iya Kalunga. Kachi ove mungwecha yami ngunangule Echi, Nanguya nakutwama muliuka lyove. Kachi ove kaute, Ngunayi. Lihane kulimuthu umwe weka.” Ize yikiko jila yakulinga. Kanda kujinguluka musengeko.

Kanda kupwa nekative. Lovokamo nakuhanjika chili chika. Chakwoloka.

¹⁴⁰ Ikiye ambile ngwenyi, “Ndumbu walunga Branham, ove unashinganyeka nge Nanguya nakupwa na chikungulwilo?”

¹⁴¹ Ngwambile ngwami, “Kuze kuli Chivimbi, na Vakwaze kuki navakakungulukila.” Echi chakwoloka, vakiko navaya nakukavangiza.

¹⁴² Nge muthu, hamwe, vaze tusumbi vakutoteka. Jino, echi kacheshi kusehesako. Kangwatwalile mukusehesako. Ngwatwale mukutachikiza. Ikiye apwile nakuya kuhaka kasumbi kenyi kanawa, kaha ikiye keshi na maulu akutamoko. Ikiye kuwahaka hamaulu a pato mwishi yalimwe. Kaha omwo vakiko vosena navatoteka, uze pato mwasoloka kanawa uze kasumbi kanda lyehi amone. Shikaho uze chali mwahasa kuhanjika chukwa kuli tusumbi kaha vaze vavandende naveza, oloze pato kejiva uze mutunduko. Oloze, likumbi limwe, uze chali wamwaka avambililile kunyima ya chisete. Kuze kwapwile mbombokela ya meya kunyima ya chisete. Omwo uze pato wandende kunuka aze meya, ikiye ayile kuze kumeya lumbushi nge omu ashile kuya. Uze chali wamwaka ambile ngwenyi, “chukwa, chukwa, chukwa.” Kaha uze pato wamundende ambile ngwenyi, “swee, swee, swee.” Ikiye kulahila ku meya. Mwomwoika? Ikiye apwile pato, kuchisemwa. Omwo ikiye anukile meya, ndumbu walunga, ikiye keshi kuhasa kufuma kumeya, mwomwo ikiye apwile pato.

¹⁴³ Kaha Ngwahanjikanga lelo, kala muthu uze vene alinakutonda kuwana Kalunga, vakiko kaveshi kwecha liuka kuvashinjila vyuma vize vakiko kaveshi kuyoya, *chize* mokomoko *chikwavo*. Kachi ove ukwechi chisemwa cha Kalunga muli ove, ove muya mukupwa mukujila. Ove muya nakupwa na chuma chakwoloka. Ove muya nakwimana ha chuma chakwoloka. Ove muya nakulinga vyuma vya kwoloka. Ove muya nakushinganyeka chuma chakwoloka. Ove muya nakuyoya chuma chakwoloka. Kachi ove unapu pato, ove muzanga meya. Kachi ove unapu Mukakulishitu, ove muzanga Kulishitu. Kachi ove unapu liyavolo, ove wazanga vyuma vya liyavolo. Kachi ove unapu likololo, ove mulya vyuma vya kufwa. Kachi ove unapu ngulu, ove muya nakulya ufwachi. Oho uli ove lelo? Chakwolokako. Ove uli nakulivuluka kupwa hano, kulya vyuma vya Mwata, jino yako nakushikumuka na kujika na liyavolo. Kuze kuli chumachakuhenga na echi. Echeni kwivwulila kuli aze mashipilitu; vakiko vanapu va liyavolo. Chipwethuhu kachi ove nawimana ukawove. Malunga na mapwevo vaze vakukashila kukala chuma, hakamwihi, vanapu malunga na mapwevo vaze vemanjine ukawavo na Kalunga.

¹⁴⁴ Tala hali Mikaya, omu ikiye emanyine kuze; nge keshi lilolwa lya Gilbraltar, oloze Lilolwa lya Visemwinuino.

Ikiye ambile ngwenyi, “Kangweshi kuhasa kuhanjika chumako...Kangweshi kuzakamina shikola nayihanjika ika. Kangwalizakaminako chikungulwilo chami nachihanjika ika. Kangwalizakaminako mwangana mwahanjika ika. Kachi vakiko navavatula mutwe, Nanguya kaha nakuhanjika chuma muka Kalunga mwahaka mukanwa kami nanguhanjika.” Ikiye apwile wakwoloka. Ikiye apwile wakwoloka.

¹⁴⁵ Kaha lelo, malunga na mapwevo, kanda kuhaka mangana kuvyuma kaye kakwechi hali ove, kuyajisa muka kakwechi, muyachi muka wa ndongo yatututu vakiko vakwechi, na kuvuluka, “Kachi ove mulinunga na liuka, ove muya nakupwa wakwoloka.” Ize yinapu ndongo yamakuli. Mwomwoika? Ove hanga lika musongo wa shili. Echi chakwoloka. Oloze Nangumlweka chuma chimwe, ndumbu walunga, yize yinahase kumifumisa mushili, chize, kwiza ku Manyinga amwaza a Mwata Yesu Kulishitu kaha kupwa wakuzala na Shipilitu Wajila, kaha nayiya nakukufumisa kufuma mushili yosena, kaha kufwila chove nachiya nakupwa wakukashiwa ku Mumelu, kaha ove kaweshi na lwola ha vyuma vya kaye.

Tuyenu etu tulombe.

¹⁴⁶ Ove Tata wa Mwilu, omwo etu natumona awa mashipilitu aku mbembejeka hali vathu, kaha kutachikiza vakiko valinakutoleka vyuma vya Kalunga, Ngwalombo, Kalunga, nge Ove muya nakukwata lunga na pwevo hano lelo. Echa likumbi lya lelo, Mwata, nge vakiko vatachikijile chiyoyelo chavo kacheji nakutambukila hamwe na Lizu. Kaha vakiko vanapunga nakwivulila ku vyuma vyakuhenga, nge liyavolo kupwa chumachimwe chakushikumuka na Mujumbu wa Muchano mumangajinyi, kujina chakupola cha muno mukaye, kaha chifwanyisa chakwenda kusolola na chisaji cha miwimbimbi chitoma. Ove Kalunga, vyuma vyavikalu hakupwa Mukakulishitu kutala hali chize! Kalunga, echi cheji kutulingisa kupwa vakakuviza. Ove wahanjikile echi kukutunga Ove kupwa wakuviza, nge kusaza. Ove wahanjikile, “Kawa mwahiluka kuvisazo, kaha na—kaha ngulu kukinduluka kuvisazo.” Uze kawa wamwaka mwaya kuvisazo vya chumachimwe. Talenu hali uze wakusemuka muchimbwa, atela kupwa, muthu mukamakuli kwiza kukamenga, kaha nge ove nauya kuvisazo vya kaye; hanga kutwalilaho, vakiko kwiza nakukinduluka na kulya chuma cheka. Ove Kalunga, tomesa Zuvo Yove, Mwata. Haleluya! Tuma Shipilitu Wajila na chuma na kukunyuka na lwola lwamwaka chize nachitomesa muchima wazala na kutomesa mwono wove, kaha tomesa na kuvalingisa ikiye wakukashiwa ku Melu. Muhane... Kutungulula ukweze wenyi na jishiko nge kwaze, muze mangana apwenga wakukashiwa na kuhambakana vyuma vya kano kaye, kaha kutuka Mwilu kuze ikiye nahase kumona maukalu kwiza mutunda. Muhanenucho, Mwata.

¹⁴⁷ Ove wafwanyishile tupolofweto Twove kuli vakiko, va kwaze, uze apwile na liso lya kwaze, nahase kuya helu nakumona vyuma keshi lwola lwalusukuko shimbu ahete kuze. Ove Kalunga, kisula eli liuka. Kisula vathu vaneza hano. Kisula vangeji muvokololelo. Kaha echa vakiko vatachikize nge ou Mujimbu wapwile wakutetekela kulimuhuko, oloze wenyikilile chikumanyi, Mwata, kuli vaze vene vapwile vene nakutondeka; kutachikiza likumbi limwe etu twatela kwimana hamwe mu kusopesa cha Kalunga, kaha kutachikiza nge etu natuya nakupwa wakutamo kutachikiza Muchano kaha keshi kuhanjika Echi. Tata, Ngwalombo Echi navaya nakuchihaka ha muchima. Mu Lijina lya Yesu.

¹⁴⁸ Na mitwe yetu yakunongama hatando kaha, Ngwalikomokela kachi kuli mthuumwe hano chimene chino kuya nakuhanjika, “Ndumbu walunga Branham, Ngunaviji kaha ngunazeye cha evi vyavindende vyamwaka. Ngukwech vyuma vyamwaza chize nachisukama hali yami. Ngunapu—Ngunapu lwola lwosena nakuhanjika nakwalumuka. Ngunapu—Nguli nakulinga vyuma vimwe Kangwahashile kulingako, kaha Ngunatachikiza echi. Echi keshi kwiza nakupwa Mukakulishitu. Kangwazangile kulinga chize; Kalunga atachikiza Kangweshiko. Kaha Kangwazangile kwivulila yize shipilitu chekako. Echi chinapu chuma chize kulama na chiyoyelo chami chosena, kufuma mu zangi yivene na kukasunuka muli Kulishitu. Ngwatondo enu mulombe hali yami, Ndumbu walunga Branham, chize nachiya—nachiya nakunguseza yami likumbi lyalelo.” Ove zundula livoko lyove? Mutwe wosena wakunongama. Kalunga amikisule. Mamalelo, yami, lizavu lya amavoko! Vyuma vya mwaka vyavindende, vyuma vyavindende vize navikulingisa kuhanjika mokomoko kuputuka vyuma vyakufwana nge kulipika muliuka, kulingisa kusali navyumavimwe chikwavo nge ngachize. Mamalelo, echi chinapu chakuzeneka ukalunga. Echi chinapu chakuneha chimbalanganyi mukachi kava ndumbwenu. Kaha kanda kulinga ngachizeko. Ove kawatondele chizeko. Ove kawatondele chizeko na vyuma vyavindende, vyuma vya matoto kaha vyuma vyeka nawa, kukushikumwisa.

¹⁴⁹ Hanjika, “Kalunga, Kangwazangile chumakanako chekako. Ngunaviji kaha ngunazeye na echi. Nguli wakulizanga lelo kuchimbila. Ngulinakwiza jino, Mwata, kaha Ngwatondo kufuma kulifwa lyosena. Kachi ndumbwami walunga keshi kulinga kanawako, Nanguya nakumulombelako mwosena omwo. Kachi tata yami keshi kulinga kanawako, Nanguya lika nakumuzanga mwosena omwo. Kachi pwevo lyami keshi kulinga kanawako, mokomoko lunga lyami, Nanguya lika, kulikehesa, kumeso a Kalunga. Mwata, Ngunatale kaha ku Wangana Wove. Ngwatondo vishinganyeka vyami kwoloka. Ngwatondo muchima wami uzale na kuwahilila. Ngwatondo kuya lika,

omwo ukalu naungujingilika, Ngwatondo lika kutwama na mavoko ami akuzunduka kaha muchima wami utoma kumeso Ove, Mwata, kutachikiza ngana, likumbi limwe Nangukaya nakuli wana na Ove. Ngwatondo muyachi wakutachikiza. Mwata, ngulingise omu, kufuma kulikumbi lya lelo.”

¹⁵⁰ Ove unahase kuzundula livoko lyove, muthuumwe uze nahaono kuzundula livoko hanyima chindende. Kalunga akukisule. Kalunga akukisule. Ndumbu wapwevo, tuhane chindende mwakuputukila kwimba shimbu etu tuli na mitwe yakunongama. Unatwale vene mulihi? Kanda kuhema jino. Luno kalweshi lwola lwakuhema. Luno lunapu lwola lwakutambula. Luno lunapu hilwola ove watela kutambula Echi. Twaya, mbila echi hano vene. Mulinga ngachize? Twaya, hana vyosena ove uli navyo kuli Kalunga. Hanjika, “Kalunga, Kangweshi naechi chikumako. Nguli kaha pwevo wakuzuvo wamundende. Kangweshi kulinga echi chikumako, Mwata, oloze Nguna—Ngunahase kutanga Mbimbiliya Yove, Ngunahase kulombanga hali kumbihakumbi. Nangumbila majilo osena ali muvishinganyeka vyami. Nangumbila majilo osena. Ngunapayishiwa kuvyuma vyavivulu hali vize mukakunangula ahanjikanga na chimene, shikaho Nguli—Nguli nakutapula echi lelo. Kangwatondele echiko. Kalunga, nguzalise na zangi. Nguzalise na vyuma vize navingulingisa kupwa na zangi hali mukakole wamupi Ngukwechi. Ngunatondo ech, Mwata.”

¹⁵¹ Shimbu ikiye alinakwimba hano, kaweshi kuhasa kwiza jino nakwimana ha kamenga chindende kaha, shimbu etu natukunguluka na lizu lya kulomba. Kachi enu munachilumbununa, kachi muli vakulizanga kukana, enu kamwatela kuseza kamenga lelo na chize mumuchima woveko, kachi ove muya nakupwa wakushishika. Kaha hanjika, “Nguli nakwiza hano na kwimana, munyutu kaha, Ndumbu walunga, yaa, shimbu enu muli nakupwa na lizu lya kulomba na yami, hakapaji.” Ngwa—Ngwatondo enu kwiza, kulomba. Mwahase enu mwizenga jino? Namitwe yenu yakunongama, hiya mwakatuka na kwiza kukamenga, kwimana nakujinguluka kamenga?

Ivwulila kuli yami, Ove Mulwilo,
Ivwa kulila chami;
Shimbu veka vali nakusanyika Ove,
Mamalelo, kanda kunguhitako.

Mulwilo, Mulwilo,
Ivwa kulila chami;
Shimbu veka vali nakusanyika Ove,
Mamalelo, kanda kunguhita.

¹⁵² Chipwethuhu naushimbula ngachilihi mukupwa Mukakulishitu, kaha ove ukwechi aze mashipilitu amandende amwaka eji kuhanjikanga kuli enu, kukulingisa kutuka kala,

kukulingisa kuhanjika hali mthuumwe. Omwo mthuumwe mweza kuno na kuya nakuhanjika hali mthuumwe nawa, ove linunge kanawa navakiko, vakane kaha. Echi chakuhenga, ndumbu walunga. Kanda kulinga ngachizeko. Chize nachiya nakukuhonesa ove kupwa mu Lifuchi Iya lushiko. Kachi ove mupwa kaha na vyuma vyamwaka ove watela kupwa navyo, kachi zangi ya Kalunga kayeshi mumuchima woveko, kaweshi kupwa pwevo wakalemesa na lungako, tambuka nakwiza kaha hanjika ngwove, “Kalunga, hano vene Nguli nakwiza nakuchimbila, chimene chino, hano vene. Nguli nakuya nakufuma kuli ou kamenga muthu wakuhandunuka.” Ove unahase kwiza?

¹⁵³ Kuliko mukashili uze kanda Iyehi amwitavile Yesu, kaha ove unejiva nge umukashili, ove kawamwijiwako Ikiye kupwa Mulwilo? Ove hanjika, “Ndumbu walunga Branham, eyo, Ngunashinganyeka Ngukwechi chiseke. Nanguya kukukina na viwanyino na vyosena vyuma. Ngweji kutala vifwanyisa vya kuhenga. Kaha Ngweji—Ngweji kutanganga kusonejeka chakuhenga. Ngweji kutanga mikanda yamwaka yikweji mijimbu yakasautu. Ngweji kwivwa kuwaha hakuyitanga.” Ndumbu wlunga, kulichuma chimwe chakuhenga na ove. Echi chinapu chipepa chove; talenu, ove echa ngumone chumamuka muthu eji kutanga, echa ngumone ovyo eji kutambanga, kwivulila mummyaso ikiye eji kwivulilanga.

¹⁵⁴ Likumbi likwavo, vali nakwiza mumotoka, mthuumwe olowele na kusokolola chisaji, myaso yimwe yakasautu. Ngwambile ngwami, “Soka vyuma kana. Kangwatondele kwivwa chizeko.” Yimwe yamwaka ya boogie woogie.

Ambile ngwenyi, “Mwomwoika, Ngwazanga kwivwa ize.”

Ngwambile ngwami, “Chisemwa chavo chinapu chakuhenga. Ove unapu wakuhenga.”

¹⁵⁵ Omwo Ngwapwile wakuvatukako kuno, makumbi amamandende hanyima ya chize, helu kusali ya pil mokomoko kusali ya pili, nakulova, na muthu. Vaze tujila vavandende vapwile nakwimba. Vaze va pepetenu kutambakana. Vaze vamwaka va tupyasa kutuka mupeho, mokomoko nightingale, kwimba kuwahilila. Ngwatambakanyine hali uze kanyike walunga, Ngwambile ngwami, “Tala, kanyike walunga, uze ukiko mwaso wami. Twalilaho kusokolola. Echi chinapu chisaji chami. Kalunga avatumine mangana vembenga mwaso kuli yami shimbu Nguli hano. Echi chawavishile mwono.”

¹⁵⁶ Kuhambakana vyakuzaluka vyamwaka, evi vimbokishi kutahwoka, kuya lika, kuze unahase kulya na muchihela cha mulikungumbuwa. Echi chinapu kulya cha liyavolo. Eyi yinapu zuvo ya liyavolo, yosena yinapihi na shili. Enu vosena vakujingilika muze na kuwahilila na chize? Omwo vakiko vahakile mali muli jize jimbokishi yamwaka jajindende,

kaha vize vyamajilo vyamwaka vyejile, enu namuwahilila na chize? Sonyi hali enu. Ove unapu mukakulimbuka. Ove unapu wakufuma kuli Kalunga. Ove kawamwijiva Kalunga ko. Kachi ove unamutachikiza Kalunga, mukulikonekela jijishili jove, ove kaweshi kuhasa kwivwulila kuvyakufwana ngachize vyakuzeneka mangana. Echi nachiya nakupwa chakufwa kuli ove. Ove muya nakupwa—ove muya nakuvizaza. Ove kawatondele echiko. Kulya chove chili kanawa. Ove wazanga Kalunga. Kaweshi kwiza chimene chino, kufukama hano na kwitavila chimene chino?

¹⁵⁷ Hano malunga na mapwevo kufukama hano vene, chize chinapu Vakakulishitu mumyaka. Kangweshi nakumihonesa kupwa vakakulishituko. Oloze chumamuka Ngulinakweseka kumilweka nge liyavolo, chize chinapu kuvapaisa, ali nakuvafumisa kufuma Mukuwahilila chakuzalilila. Ou Shipilitu Wajila napu Kuwahilila. Ndumbu walunga, Ngwahindikile wakupenda, Nanguya cheka mumuhela wakupenda, Ngunapu wakupenda likumbi lyosena, wakupenda ufuku wosena. Mamalelo, Nguli kaha—Nguli kaha na zangi. . . Nanguya nakuta ishi, Nguli kaha, “Kanda kunguhitako, Ove Ngwilo wami. Ivwulila kulila chami.” Nanguya nakuta, kaha kwimba kwalisa cha Kalunga. Nguli nakunangula, Nguli. . . kwosena Nanguya. Kaweshi nakutonda echi kupwa mujila kanako? Kuzalilila cha Shipilitu Wajila, Echi nachikuhizumuna. Mamaah, yami! Ivwulila vakiko kwimba myaso yamwaka, enu munahase kuwimba:

Ngunapu	wakukashiwila	ku	Lifuchi
lyalushiko,			
Ngunapu	wakukashiwila	ku	Lifuchi
lyalushiko;			
Mamalelo	hiya mwaya nakwiza kaha nakuya		
	na yami?		
Ngunapu	wakukashiwila	ku	Lifuchi
lyalushiko.			
Ngunapu	wakukashiwila	ku	Lifuchi
lyalushiko,			
Ngunapu	wakukashiwila	ha	Lifuchi
lyalushiko;			
Mamalelo	hiya mweza mangana tuyenga		
	hamwe na yami?		
Ngunapu	wakukashiwila	ku	Lifuchi lya
			lifuchi.

Lwola muka Nangukaheta kuze kuchihela
chakunokela,
Kaha pwako lika wakukisula!
Lwola muka Nangukamona kumeso a Tata,
Kaha kunokela mutulo Yenyi?

Ngunapu wakukashiwila ku Lifuchi
lyalushiko,
Ngunakashiwila ku Lifuchi lya lushiko;
Mamalelo hiya mweza na kuaya nayami?
Ngunakashiwila ku Lifuchi lya lushiko.

¹⁵⁸ Enu kamweshi kwiza hamwe nayamiko, yenu lika? Ngunanuka omwo pamo faifi handulendi hali etu kwimana kuze omwo va Ngujimikele mu handulendi na twende, pamo halwola nge luno lwa mwaka, kushikumuka kuno kungenge ya kalwiji, omwo uze wamunene Tanganyika wa Chimene kumunyika nakushikumuka mukalwiji. Haleluya! Lize Lizu kumanjika kufuma muli Chize, ambile ngwenyi, “Likumbi limwe ove mukaya nakutangijisa Mujimbu wamwaza kuhita mukaye kosena.” Mukakahutwa, wamundende, kanyike wakuhona kutachikiza jimi kulinga ngachize? Eli likoji lya Kalunga! Amena.

¹⁵⁹ Mamalelo, hiya mwaza bakwiza na kuya? Fumisako, haka kusali, kala chakulema jino. Kangweshi kwijilila awa mashipilituaku mbembejeka. Twaya, ivwulila ku Lizu lya Kalunga, MUKIKO MWANAMBE MWATA! “Wakukisula shi ava navevwa zala na lipwila lya kwoloka, mwomwo vakiko navakavekuchisa.”

¹⁶⁰ Echa tunongamenu mitwe jino shimbu etu tuli nakulomba na ava hano hakamenga.

Enu vana, Ngwatondo enu kwanuka, chimene chino, enu muliko mangana mutulike kusali kala kulema. Enu muliko mangana kutulikankusali kulema na shili yeji kumivulumwisanga. Paulu ambile ngwenyi, mu Hepelewu, kapetulu 12.

*...nayetu nawa etu...mwomwo kunatujingilika
liyongomena lyavinjiho lyalinene lipwaha
ngana, shikaho tuzulenu vyuma vyosenavi
vili nakutulemwisa, mangana tukakachilenu
nakulahila...kana vanahake kulutwe lwetu,...*

*Kaha nanguchivuluka ika nawa? mwomwo...
kacheshi kupwa...kangweshi natando numba
nguvuluke Ngikiteyone,...na Mbalaki, Mbalaka,...na
Samasone,...na Yafweta; na Ndavichi...na Samwele,
nawa na vatupolofwetoko:*

*Vakiko hakufwelela hoho vene vafungulwile
mawangana, vazachilile milimo yakwoloka,
vatambwile jishiko, vajikile mutunwa twa va ndumba,*

*Vaholesele ngolo jakakahya, vapululukile kuwela
wajipoko, jamukwale, vavazamikishile nangolo
mukuhehela, valingile kupwa vindume, vahangile
majita kaha...avathu...vakakole veka...*

Kaha mapwevo vatambwile vafu javo kufuma mukufwa na kuyoya. . .

Veka vava mwenelese vihuli, kavetavilile kumona kuyovokako, . . . mangana, kuhambakana evi, kuvakasa mujingoji:

Kaha—kaha veka vase nawa vavesekele. . . hakuvatoloka. . . nakuvaveta. . .

. . . mangana ngwavo vakatambule unjiho ya lufwelelo, . . .

Kaha vyosena evi, vakapwe na unjiho wamwaza wakuhichila mulufwelelo, keshi kutambula chakuzeneka lushikoko:

Kalunga mwomwo atutalililile chuma chakuhambakana kuwaha, chize chakuzeneka etu vahone kupwa vakukupuka.

Ngocho nayetu nawa. . . mwomwo kunatujingilika liyongomena lyavinjiho lyalinene lipwaha ngana, shikaho tuzulenu vyuma vyosena evi vili nakutulemuwisa, na shili. . . eyi yeji kutulamatanga chikuma, mangana etu tukakachilenu nakulaha kulahila kana vanahake kulutwe lwetu,

Tutalisenu meso etu kuli Yesu ikiye twamina ya kufwelela chetu mukakuchikupwisa mwosena; ikiye hakuwahililacho vahakile kumeso enyishikaho akakachililenga nahakulusu, sonyi ayilumbilishile, kaha. . . natwame lyehi kulivoko lyachilyo kulitanda lya Kalunga lyawangana.

¹⁶¹ Yesu, mu kulomba chenyi, ambile ngwenyi, “Tata, Ngunalijilika Amilyavene.” Yesu kwiza nakujilika Liuka. Ikiye atelele kumbata, oloze Ikiye kalingile ngachizeko. Ikiye ejile nakupwa wakulijilika. Ikiye ambile ngwenyi, “Vajilike, Tata, kuhichila mu Muchano. Lizu Lyove linapu Muchano.”

¹⁶² Jino echa tutulike kala kulema. Ove ukwechi matoto? Ove ukwechi chumachimwe hali ove, kukulingisa ove kuhanjika omwo ove watela kuhanjika? Ove Kalunga! Chihake haze jino. Chihake haze, tala Kakahaya kukamenga kwiza nakushikumuka kaha kambate. Tala zangi ya Kalunga kukajima. Tala vyosena vya lifwa, mujila enu mweji kuhanjikanga kuli pwevo lyove, mujila enu mweji kuhanjikanga kuli lunga lyove, mujila enu mweji kuhanjikanga kuli uze mwalihata nenyi, mujila enu mweji kuhanikangahali vathu muliuka, chihake aha ha kamenga chimene chino, kaha Kakahya ka Kalunga nakaya nakusuluka nakufumisa, kaha zangi ya Ukalunga nakocho muchihela chacho.

¹⁶³ Ove ukwechi kuviza? Chihake hakamenga, hanjika, “Mwata, hano echi chili hano. Tunga muli yami shipilitu yitoma. Tunga

muli yami ngolo jakuka.” Talenu chumamuka Kalunga mwaya nakulinga. Kalunga mwaya nakulinga muli chino chimene.

¹⁶⁴ Ove Tata wa Mwilu, etu tunongamenu Kumeso Eyi, kwimanyinako ava vali kukamenga. Echa likoji Lyove kunokela hali umwe namukwavo, Tata. Jino shimbu vakiko... Mwata, Kangweshi kuhasa kulinga echi hali vakiko. Vakiko vatela kulinga vavene. Kakweshi muthu nahase kulinga chize hali vakiko. Vakiko vatela kulinga echi ukawavo. Echa myono jino kuhanjika lyavene, “Ove Kalunga, awa matoto, Nguli nakuwahaka hano, Mwata. Kangweshi kawambatako cheka. Chipwethu kala chosena ocho nachiza mokomoko nachiya, Nanguya nakuhecha, kufuma jino nakutwalaho. Eli lilimi lyami linapu lyawashi kumabta sali na mukuta wa kuyongola, Mwata, Nguli nakutulika kuze. Kangweshi kaya nakuchimbata chekako. Jilika lilimi lyami, Mwata. Echa ngwivwanga nge Vangelo kwiza nakuhita, nge Isaya alingile omu ahanjikile ngwenyi, ‘Yami nguli namivumbo yakuzeneka kutoma. Mamalelo yami!’” Kaha nge Kangelo mweza, kumbata lumanya, kaha ayile kukamenga na kumbata Malasha akakahya, kaha kuhaka hamivombo yenyi kaha amujilikile ikiye. Kalunga, jilika wosena mukakuhanjika, chimene, uze mukakuhenga mwakuhenga na kutumba chimbalanganya. Tuhane echi, Mwata.

¹⁶⁵ Misongo yosena ize ili muno muzuvo, vathu vakuviza, kutachikiza nge vakiko vanapu maliyavolo, nawa. Kalunga, nge ngamba Yove, Ngunavatenukila, mu Lijina Yesu. Echa vakiko vezenga nakulovoka kufuma muli mukakuviza wosena. Kaha echa kala muthu wakuzeneka kutoma, vaze vakwechi vishinganyeka vya kuzeneka kutoma, hanjikiso yayipi, lwisu, malunga na mapwevo, vali mwomumwe, Kalunga, vafumisemo. Vosena hano vali nakweseka kufumisa makanya, kaha kunwa chindende, kaha viwanyino vyavindende, na vyuma vyalwisu; Kalunga, kuhizumwisa michima yavo na Shipilitu Wajila mujila ize vyuma navihona kupwa nakala kufwila chekako. Kashi kupwa na chihela chekako; ove unapu wakuzala na Shipilitu Wajila, kufuma haze vene.

¹⁶⁶ Kalunga, lingisa eli liuka lyalindende kwocha musenge. Lingisa Shipilitu Wajila kuhaka, kulingisa kwocha Kakahya, nge kaye kanahase kwalumuka kusali nakumona upahu wa Kalunga. Kalunga, putuka naava vavandende vathu valivoko lyachimbwa, lizavu lya handulendi hano na chimene chino. Tuhane echi, Mwata.

¹⁶⁷ Tomesa kala muchima, kala Mesondisiti, kala Mbaputishiti, kala Katolika, kala Pulishiteliyani, kala Pendekosita. Mwata, fumisa mukachi ka michima yavo, na kwecha vakiko vezenga kuli Ove lelo. Tuhane echi, Tata. Ngunavakunjika kuli Ove, kaha kuvahana kuli Ove, mu Lijina lya Yesu Kulishitu, ha kutomesa myono yavo kaha kuka cha mijimba yavo. Amena.

¹⁶⁸ Ngwalikomokela, ha kamenga, unaseze chiteli chove? Ove uli nakwivwa nge kuhaka aha? Kachi ove kwivwa echi chili chakuhaka haze, ove pwako mukakuyula. Ove unapu umwe uze apwanga nakulomba. Ngunanangula. Ove unapunga nakulomba. Kutala chiteli chove chakufumu, ndumbu walunga, ndumbu wapwevo? Unahase kuseza echi kuze? Kachi ove unahase, zundula livoko lyove, hanjika, “Eyo, Kalunga, jino Ngunachiseze hano. Chihandwa chami, Nanguya nakuchiseza kuze kukamenga.” Ngachilihi echi, kusongo ya kemenga hano, kuchilyo chami, pwevo wakalemesa? Unahase kuseza chize kuze? Unahase kuchiseza kuze chize chiteli chamwaka kuze? Kujanjika, “Eyo, lufwelelo lwami lwatele kuli Ove, Ove mwana Mukoko wa Kavali.” Shimbu etu vosena kwimbila hamwe jino.

Lufwelelo lwami lwatale kuli Ove,
 Ove Mukoko wa Kukavali,
 Ove Mulwilo wa Ukalunga;
 Jino ngwivwulile yami shimbu na Ngulomba,
 Mbata kupaya chami chosena,
 Mamalelo echa yami kufuma likumbi lyalelo
 Kupwa kaha Wove!

¹⁶⁹ Echa twimanenu hamahinji etu, mukushishika, etu vosena. Jino ivwulilenu kanawa, muthuwosena jino. Kanda muthu umwe mwayako. Kupwa . . . Kutanga kanda chikume. Ngwatondo enu kutambula echi kujila chachindende, kuwaha chachindende.

Shimbu chiyoyelo chili mumilima omu
 Ngunemena,
 Kaha kunyengetela yami chinangujingilika
 yami,
 Pwako Ove twamina Yami;
 Kasa milima kupwa musana,
 Hunda masoji a ushona,
 Kaha echa yami kufuma kulelo
 Kupwa kaha Wove!

Kanda kuwimba kuli ou walihata nenyi jinoko. Fwika meso ove, kaha echa twimbenga chindechinde, shimbu etu tunazundula mavoko etu kuli Kalunga.

Shimbu chiyoyelo chili mumilima omu
 Ngunemena,
 Kaha kunyengetela yami chinangujingilika
 yami,
 Pwako Ove twamina Yami;
 Kasa milima kupwa musana,
 Hunda masoji a ushona,
 Nge chiku yami na nguhungumuka
 Kufuma kusali Yove.

Ngukwechi Tata kuze,
 Ngukwechi Tata kuze,
 Ngukwechi Tata kuze,
 Kuze kungenge kusali ikwavo.

Mamalelo, likumbi limwe Nanguya na
 kumumona Ikiye,
 Likumbi limwe Nanguya na kumumona Ikiye,
 Likumbi limwe Nanguya na kumumona Ikiye,
 Kusali ikwavo kungenge.

Mamalelo, likumbi likwavo pamo hamene,
 Likumbi likwavo pamo hamene,
 Likumbi likwavo pamo hamene,
 Kusali ikwavo kungenge.

¹⁷⁰ Ngunalikomokela jino, vangahi vakwechi tata Lifuchi likwavo? Echa tumone livoko lyove. Vangahi vakwechi mama mu Lifuchi likwavo? Echa tumone livoko lyove. Vangahi vakwechi Mulwilo mu Lifuchi likwavo? Echa tumone livoko lyove.

Kacheshi kukapwa kuliwana
 chakuwahililako!
 Kacheshi kukapwa kuliwana chakuwahilila!
 Kacheshi kukupwa kuliwana chakuwahilila!
 Ha chikwavo . . .

¹⁷¹ Ngwatondo enu mulinga chumachimwe. Jino shimbu etu natwimba cheka, Ngwatondo enu kulimeka mumavoko na muthuumwe nemana na ove, kaha hanjika, “Ndumba wapwevo, ndumbu wapwevo, ngulombele, mangana Nangukaye nakuliwana na ove mu Lifuchi likwavo.” Kanda ove muchilingako kuvanga unachambe. Vangahi vanatondo kuliwana naumwe mukwavo? Vangahi vanatondo kuliwana nakala muthu hano, Kuze? Etu, pundu etu twalingi. Jino echa limeneke umwe namukwavo mumavoko, kaha hanjika, “Ngwatondo kuliwana na ove, ndumbu walunga. Ngwatondo kuliwana na ove kusali ikwavo.” Jino shimbu etu natwimba echi, “Ngukwechi Mulwilo kuze.” Chosena chakwoloka.

Ngukwechi Mulwilo kuze,
 Ngukwechi Mulwilo kuze,
 Ngukwechi Mulwilo kuze,
 Ha sali kungenge.

Mamalelo, likumbi lyamwaza Nanguya na
 kumona Ikiye,
 Likumbi limwe Nanguya na kumona Ikiye,
 Likumbi limwe Nanguya na kumona Ikiye,
 Ku sali ya ngenge.

¹⁷² Kumana echi kacheshi kukulingisa ove kwivwa kanawako na kupwa kanawa? (*Yesu, ngupandamise kwakamwihi na kulusu.*)

Yesu, ngupandamise kwakamwihi . . .
 Kuze kuli kaselwoke wamwaza,
 Wawana kuli vosena, kapila wakuka,
 Kuhingunuka kufuma mukaselwoke wa
 Kavali- . . .

Muthuwosena zundula livoko lyove jino.

Ku kulusu, ku kulusu,
 Mwatwama upahu wami;
 Palanga kuhukula cha mwono wami
 nachikanguwana
 Kunokela kuze kusali ya kalwiji.

Ku kulusu, ku kulusu,
 Mwatwama upahu wami;
 Palanga kuhukula cha mwono wami
 nachikanguwana
 Kunokela kuze kusali ya kalwiji.

Ngwamuzanga Ikiye, Ngwamuzanga Ikiye
 Mwomwo Ikiye avangilile kunguzanga
 Kaha alanjile ulwilo wami
 Ha Kavali.

Kwalisa chipwenga kuli Kalunga!

¹⁷³ Echa mukuhola jino tunongamenu mitwe yetu. Kaha mujila yetu yazangi, echa kumwalisa Ikiye na mavoko etu mwilu, kuhanjika, “Ngwasakwilila Ove, Mwata, ha kukiwa cha mwono. Ngwakusakwilila Ove, Mwata, ha kungulingisa yami kanawa. Ngwakusakwilila Ove, Mwata, ha vyosena Ove unalingi, kuneha kusokoka chiyema, kuneha ulwilo wawana. Ngwakusakwilila Ove, Mwata.”

Etu twakuhane Ove ou wana wakusakwilila. Etu kukwalisa Ove mwomwo Ove uli wakuzanga. Ove yove Liya lya Chinema, Tanganyika wa Chimene, Loza ya Shilone, Mwosena na Mwosena. Ove unapu Tata, Mwana, Shipilitu Wajila; Ikiye uze Apwile, Uze Napu, kaha Mwakaya na Kwiza; uze Alafwa, Omenga. Ove unapu Umwe Wamwaza, Mwangana wa Kuunda, Mwiji kaha Mwana Ndavichi. Ove unapu Mwosena! Kaha etu twasakwilila Ove, Mwata, mwomwo Ove unachilingi. Etu twasakwilila Ove ha Lizu Lyove, hali Echi Kumunyika mujila yove. Mamalelo, etu twalombo, Mwata, nge Ove muya na kwecha kutambuka mu Kumunyika. Tuhane echi, Tata. Mu Lijina lya Yesu Kulishitu. Amena.

Chosena chakwoloka. Shimbu etu natutwama ha munyutu kaha. (*Etu natuya nakutambuka mu Kumunyika.*)

Etu natuya nakutambuka mu Kumunyika,
 Kumunyika cha mwaza,
 Twaya kuze mamata alyume akeke atoma;

Kuvwakumuma nakutujinguluka, halikumbi
na ufuku,
Yesu, uze Kumunyika cha . . .

174 Twaya, vakakujila, echa twimbeni jino!

Etu natuya nakutambuka mu Kumunyika
(kutoma, kujila), Kumunyika chamwaza,
Twaya kuze mamata alyume a keke atoma;
Kuvwakuma nakutujinguluka, halikumbi na
naufuku,
Yesu, uze Kumunyika cha kaye.

Twaya, mwitavile Ikiye kupwa Mwangana
wove,
Yesu, uze Kumunyika cha kaye;
Jino jingezo ja Mwilu najikaya nakwimba,
Yesu, uze Kumunyika cha kaye.

Vosena!

Etu natuya nakutambuka mu Kumunyika
(Kumunyika mujila yami), Kumunyika cha
mwaza,
Twaya kuze kuli mamata alyume a keke
yitoma;
Kuvwakuma kutujinguluka, halikumbi na
ufuku,
Yesu, Kumunyika cha kaye.

175 Kacheshi nakumilingisa kwivwa kanawako? Vangahi
valinakwivwa kanawa? Zundula kaha livoko lyove jino,
hanjika, “Nguli nakwivwa kanawa.” Shipilitu Wajila akukose
nakukutomesa. Jino etu natuya (ika?) kutambuka mu
Kumunyika. Kanda kwivwulila kula . . . Kumunyika Chika?
“Lizu Lyove linapu Linongo.” Shikaho jino:

Etu natuya nakutambuka mu Kumunyika,
chinapu Kumunyika chamwaza,
Cheji kwizanga na mamata alyume a keke
atoma;
Kuvwakuma nakutujinguluka, halikumbi na
ufuku,
Yesu, Kumunyika cha . . .

176 Jino, echi kacheshi kukulingisa kuwahililako? Kusoloka
nge etu tuli nakupandama. Uze Shipilitu Wajila nakutukwata!
Kaweshi nakwivwa mujila? Kwivwa kaha nge . . . ? . . . kupwa
kaha nge kulovoka.

Mujimbu wamwaza kusotoka na manyinga,
Aze manyinga atumbaji vaze vafwilile
Muchano,
Ou Mujimbu wa mwaza wa Shipilitu Wajila uli
nakuhita na manyinga.

Umwe watete kufwa ha punga ya Shipilitu
Wajila,
Apwile Yowano Mukakujimika, oloze ikiye
afwile nge muthu kaha;
Jino Mwata Yesu ejile, vakiko Ikiye
vamusukikile,
Ikiye anangwile nge Shipilitu mwaya
nakulwila vathu kufuma mushili.

Kuze Petulu na Paulu, kaha Yowano apwile
naukalunga,
Vakiko vahanyine kuyoya chavo chikuma kuli
ou Mujimbu wa mwaza unahase kuminyika;
Vakiko vasungile manyinga avo, nge
tupolofweto vamwaka,
Shikaho Lizu lya muchano lya Kalunga
vanahase kumulweka.

Jino vakiko vashile malolwa Setefwane, ikiye
anangwile ha shili,
Ikiye avalingishile kupihilila chikuma, vakiko
vashikile mutwe wenyi;
Oloze ikiye afwile mu Shipilitu, ikiye atulile
mwono,
Kaha ayile nakuliwana naveka, vaze vatulile
mwono.

Yatwalileho lika kusotoka na manyinga, eyo,
Yapwile nakusotoka na manyinga,
Ou Mujimbu wamwaza wa Shipilitu Wajila uli
nakuhita manyinga,
Aze manyinga atumbaji vaze vafwilile
Muchano,
Ou Mujimbu wa Shipilitu Wajila kutwalilaho
kuhita na manyinga.

Ivwulilenu!

Kuze kuli myono mwishi ya kamenga, vakiko
vali nakulila, “Lwola muka?”
Mwomwo Mwata kushijika vaze vanalingi
mwakuhenga;
Oloze kulinakuya nakupwa hiya mwaya
nakuhana kuyoya cha manyinga
Mwomwo ou Mujimbu wamwaza wa Shipilitu
Wajila na livaji lichila.

Kupwa kaha nakusotoka na manyinga,
haleluya, Ali nakusotoka na manyinga,

Ngwatondo kupwa umwe wavo.

Mujimbu wamwaza wa Shipilitu Wajila, Ali
 nakusotoka na manyinga,
 Aze manyinga atumbaji vaze vafwilile
 Muchano,
 Ou Mujimbu wa mwaza wa Shipilitu Wajila uli
 nakuhita na manyinga.

¹⁷⁷ Nanguzanga kuya nakufuma mukamenga. Amena.
 Mamalelo, omu chawaha! Vandumbwami vahanyine chiyoyelo
 cha manyinga avo. Kuli nakuya nakupwa veka vavavulu kulinga
 mwomumwe. Kanda kulizakaminako. Echi chili nakwiza
 nakushikumuka nakusoloka washiwashi. Enu kamweshi kuhasa
 kuya nakulovokako. Vakiko valinakulisonekesa jino mu Kasulu
 ya Liuka, kaha vosen a kuya nakwingila. Vakiko vosen a kuliwana
 hamwe.

Kaha kulinakuya nakupwa kuhambakana
 kuhana chiyoyelo cha manyinga avo,
 Mwomwo ou Mujimbu wamwaza wa Shipilitu
 Wajila na Unapu livaji lyakutomesa.

Ali nakusotoka na manyinga, eyo, Ali
 nakusotoka, (Mamalelo, haleluya!)
 Ou Mujimbu wamwaza wa Shipilitu Wajila uli
 nakuhita manyinga,
 Aze manyinga atumbaji vaze vafwilile
 Muchano,
 Ou Mujimbu wamwaza wa Shipilitu Wajila,
 Ali nakusotoka na manyinga.

¹⁷⁸ Yami! Ngulinakwivwa nge Kuhukula chili helu lya liuka.
 Mamalelo, kungulingisa kwivwa kuwaha! Jishili josena mwishi
 ya Manyinga. Talenu, ou Shipilitu Wajila nge eli Lizu. Eli
 Lizu lili vene Shipilitu Wajila kukulisa, wamono. Mamaah,
 yami! Chili nakwiza nakushikumuka hali vathu, kukosa shili
 javo, nakufumisa misongo yavo, kumbata kuhenga chavo. Jino
 Ngunanu, kunwa nge omu Ngunahashila, kunwa hali Shipilitu,
 zangi kufuma mumuchima wami. Chipwethuhu kalachuma
 alingile, vanamukonekela. Mukakole wove wamunene, nachiya
 nakupwa chauchiko. Kalamuthu ahanjikaho mokomoko ambile
 ngwenyi kalachuma, kachi Ngwa . . . chamwaza, Ngwa . . . chize
 chosena chinayi, vosen a kupwa vakukosa.

Kaha Ali nakusotoka na manyinga, eyo, Ali
 nakusotoka na manyinga,
 Ou Mujimbu wamwaza wa Shipilitu Wajila uli
 nakusotoka na manyinga,
 Aze manyinga atumbaji vaze vafwilile
 Muchano,
 Ou Mujimbu wamwaza wa Shipilitu Wajila . . .

Mamaah, yami! Omu chawaha!

Lwola kana omu lwawaha kuli enu,
 Lwola kana omu lwawaha kuli yami;
 Kachi etu natuya nakuliwana na Yesu
 Mwangana wetu,
 Lwola kana omu lwawaha nalukapwa.

Lwola kana kuwaha kuli ove,
 Lwola kana omu lwawaha kuli yami;
 Kachi etu vosena natuliwahisa kuliwana na
 Yesu Mwangana wetu,
 Lwola kana omu nalukaya nakupwa.

Enu mwazanga echi? Muthuwosena, twayenu!

Mamalelo, lwola kana omu lwawaha kuli enu,
 Lwola kana omu lwawaha kuli yami;
 Kachi etu natuya nakuliwana na Yesu
 Mwangana wetu,
 Lwola kana omu nalukaya nakupwa.

¹⁷⁹ Nguli kaha nakwivwa nge kuhizumuka chamwaka chili muliuka. Keshi ngochoko? Kupwa kaha kukosa chamwaka, kukosa; chamwaz, lwola lwamwaka lwamwaza. Kaweshi nakwivwa kuwahako? Mamalelo!

Nangumwalisa Ikiye, Nangumwalisa Ikiye,
 Mwalise mwana Mukoko hakumujihila hali vakashili.

Echa twimbenga jino, etu vosena. Munatachikiza echi? Ngunatachikiza echi. Twaya hano; enu ngukafwenuko kutwaminyina, Ndumbu walunga Neville. Kaha enu vosena, hamwe jino, zundulenu mavoko enu, wimbe na, jino, jino, kachi enu munahase.

Kumwalisa mwana Mukoko wakujihila hali mukashili;
 Muhane Ikiye upahu, enu vathu vosena,
 Mwomwo Manyinga Enyi anakoso mapenga osena.

¹⁸⁰ Jino, muthuwosena, twayenu!

Nangumwalisa Ikiye, Nangumwalisa Ikiye,
 Kumwalisa mwana Mukoko wakujihila hali mukashili;
 Muhanenu Ikiye upahu enu vathu vosena,
 Mwomwo Manyinga Enyi anakoso mapenga osena.

Amena. Echi chamwaza?

Mbongi yitoma ya Jipela,
 Ngukwechi zuvo, kalyalya, na muchama;
 Jino Ngulinakuvandamina, kotalilila na
 kulomba,
 Mwomwo Mbongi yitoma ize Yowano amwene
 kwiza nakushikumuka.

¹⁸¹ Amena. Kuwaha! Mamalelo! Jino echa twimanenu hamahinji etu, vosena. Ngutalilila enu muli nakwivwa kanawa. Anukenu kutanga chaufuku. Jino etu twatondo kwimba chamwaza, mwaso wakulimwanga nawo.

Ha Lijina lya Yesu kunongama,
 Kuholoka ulukutu kumahiji Enyi,
 Mwangana wava myangana wa Mwilu
 mwakaya nakumuvwika Ikiye muchama,
 Omwo ungeji wetu naukakuma.

Chosena chakwoloka. Vosena jino, hamwe. Chosena chakwoloka.


Ha Lijina lya Yesu kunongama,
 Kuholoka ulukutu kumahiji Enyi,
 Mwangana wava myangana wa Mwilu
 mwakaya nakumuvwika Ikiye muchama,
 Omwo ungeji wetu naukakuma.

Lijina lya Mwaza (Lijina lya mwaza),
 Mamalelo omu lyayema! (Mamalelo omu
 lyayema!)

Lutalililo lwa mavu na kuwahilila cha Mwilu;
 Lijina lya Mwaza (Lijina lya mwaza),
 Mamalelo omu lyayema! (Mamalelo omu
 lyayema!)

Lutalililo lwa mavu na kuwahilila cha Mwilu.

¹⁸² Chimene kana omu chawaha! Lwola kana omu lwawaha! Echa tunongamenu mitwe jino chindende. Muthuwosena tala kaha hali Kulishitu jino, Mulwilo wove. Mujila yauholela, Ngwatondo enu mumuhane Ikiye kusakwilila na kwalisa. Hanjika, “Mwata, Ngwashinganyeka Ove kupwa vakujilika mwono wami. Ngwamisakwilila Ove ha vyosena Ove walingi hali yami. Echa Shipilitu Yove hali yami kuhita mulikumbi, Mwata. Ngutwaminyine. Ngutetekele. Ngukisule.” Kalunga ahana echi kukisula kuli enu, chikiko kulomba chami.

Jino shimbu etu twanongama mitwe yetu, Ndumbu walunga Neville, ove vamwange vathu na lizu lya kulomba. 

MASHIPILITU AKU MBEMBEJEKA LVE55-0724
(Enticing Spirits)

MIKANDA YAKULINUNGA YAHA KULINANGULA HALI VA NDEMONI

Ou Mujimbu kufuma kuli Ndumbu wa lunga William Marrion Branham, vawambulwile hakuputuka mu Ingilishi ha Chalumingo na chimene, Kuhuhu 24, 1955, mu Mbalaka ya Branham mu Jeffersonville, Indiana, U.S.A., vanaufumisa mu muzu vakopele ha tepu na kuusoneka mu Ingilishi chakuzeneka kuwalumuna. Echi kwalumuna Lilimi vachinungulwile vausonekele na kuupangila kuli vaka Kukopa cha Lizu Lya Kalunga.

LUVALE

©2022 VGR, ALL RIGHTS RESERVED

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Tachikizenu lisesa lyakufwatula

Kulama lisesa lya kufwatula. Ou mukanda vanahase kuufwatula kumakina akuvulisa a hembo kupwa wakuzachisa kuli muthu hakapanji kenya mokomoko kuhana kweka, wa wana wakanyombo, kupwa chitwa chakutanjisa Mujimbu wamwaza wa Yesu Kulishitu. Ou mukanda kavatela kuulanjisako, chipwe kuyitunga yayivulu chikuma, chipwe kuyihaka ha peho ha website, kuyitulika muze vanahase kuyifumisa, kulumbununa mu malimi eka, mokomoko kuuzachisa kupwa jila yakutambwilamo mali chakuzeneka lisesa lya kusoneka kufuma kuli vaka Voice Of God Recordings®.

Mwatondo kutachikiza vyavivulu mokomoko vyuma vikwavo, kaha sonekelenu ku:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org